



論語一貫

五

口仁12
929
5止



929
5



第一

論語一貫卷五

池田克明

時田祐

校正

衛靈公第十五

衛靈公問陳於孔子。孔子對曰：俎豆之事，言俎豆則嘗聞之矣。軍旅之事，未之學也。明日遂行。

章旨 夫子曰：足食足兵。顏淵又曰：王孫賈治軍旅

憲問可見兵者國之要具也。此章不對問陳者何

也。夫德禮本也，軍旅末也。先王之於國也，德禮修於內，而百姓悅服於外，故軍旅可用也，舍其本而

論語一貫

卷五 衛靈公

一

修其末是謂民之棄春秋列國之所以不能致治也靈公親舉王孫賈軍旅非其不足者也本之則亡德禮正其不足者也夫子欲使靈公反諸本故不對其問而誘之以禮然而終不問及禮其不可與語本之幾見矣所以明日行也

一貫桓公合諸侯不以兵車夫子稱管仲為仁憲問

篇十此章不答靈公問陳而導之禮其意全同皆

為政以德為政篇首章之意也光武自隴蜀平後非倣

急未嘗言軍旅皇太子嘗問攻戰之事帝曰昔衛

靈公問陳孔子不對此非爾所及數引公卿郎將

第二

講論經理夜分乃寐雖身濟大業兢兢如不及退功臣而進文吏戢弓矢而散馬牛雖道未方古斯亦止戈之武焉後漢書光武紀世祖之再興漢祚宜哉

在陳絕糧從者病莫能興子路愠見曰君子亦有窮

乎子曰君子固窮窮不窮天也雖小人窮斯濫矣濫不

濫人也君子之處窮與小人異

章旨子路以治才自任其從夫子周流將以佐夫

子而有為也而夫子所適不遇至於陳蔡之厄從者饑疲不能起所以愠也子路豈不知君子有時乎窮者哉然而有此問者憤悶之所發雖知之而

不暇靜思也。夫子告之以此，即君子居易以俟命，小人行險以徼幸。庸中之意，所以使之安命而不愠也。

一貫既解於上論，述而篇三十六章

第三

子曰：賜也，汝以予為多學而識之者與？對曰：然。非與？反問曰：非也。予一以貫之。

章旨：夫子曰：好古敏而求之者也。述而篇夫敏而求

之，非多學而何？雖多學約之以禮，則曩之多者，合而歸一，歸一則千舉萬變，莫往而不為仁，是之謂一貫也。多學一貫，不可岐而為二也。孟子曰：博學

而詳說之，將以反說約也。離婁篇亦此意也。

一貫此章宜與一以貫之。里仁篇十五章章并看。

第四

子曰：由知德者鮮矣。德據於德

章旨：德調和不爭之謂也。夫禮雖有升降周旋，以

恭敬為主，樂雖有金石絲竹，以調和為主，故荀子

曰：恭敬禮也，調和樂也。臣道篇人能恭敬調和，以修

其身，則可以為有德君子也。故曰：禮樂皆得，謂之

有德。小記樂記以此為天子，則保四海；以此為諸侯，則

保社稷；以此為卿大夫士庶人，則保宗廟四體，德

之大如此，而知之者難得。子路為性行行，短於據

德難乎保四體也故特呼名告之戒之也深矣

貫此章宜與據於德述而篇好德如好色子罕篇

七章等章并看

第五子曰無為而治者其舜也與夫何為哉恭己正南面而已矣

章旨舜為政以德故垂拱而天下歸向之猶象星之於北辰也

一貫無為者言得人而任之已無為也故荀子曰主道知人臣道知事舜之治天下不以事詔而萬物成大畧又曰足能行待相者然後進口能言待

官人然後詔不視而見不聽而聰不言而信不慮而知不動而功君子是也淮南子曰昔堯之佐九人舜之佐七人武王之佐五人堯舜武王於九五者不能一事焉然而垂拱受成功焉乘人之賢也道應莊子曰上必無為而用天下下必有為為天下用此不易之道也故古之王天下者知雖落天下不自慮也辨雖彫萬物不自說也能雖窮海內不自為也天不產而萬物化地不長而萬物育帝王無為而天下功故曰莫神於天莫富於地莫大於帝王此乘天地馳萬物而用人群之道也天道

老子曰聖人處無為之事行不言之教萬物作焉而不辭生而不有為而不恃功成而弗居二章明白四達能無為乎生之畜之生而不有為而不恃長而不宰是謂玄德十章不出戶知天下不窺牖見天道其出彌遠其知彌少是以聖人不行而知不見而名不為而成四十七章玩味以上文無為義不待置解世不察老莊淮南等亦皆因先王立言徒以為洗洋放恣無益於世務者往往而然姑煩引數語為三家解寃且示至其所極則亦皆為一貫云爾

第六

子張問行子曰言忠信行篤敬雖蠻貊之邦行矣言不忠信行不篤敬雖州里行乎哉立則見其參於前也。在輿則見其倚於衡也。二句言忠信篤敬不須更離心目也夫然後行。子張書諸紳。

章首問行問行於世之方也。夫子語之以忠信篤敬。猶答子張干祿以言行無尤悔也。為政篇使之反諸本也。

一貫反諸本仁之方也。

子曰直哉史魚。邦有道如矢。邦無道如矢。君子哉蘧伯玉。邦有道則仕。邦無道則可卷而懷之。卷懷猶言柔從如蒲

第七

章也即邦無道則愚之意

第九

章旨史魚不問有道無道，正直如一，故曰直哉。蘧伯玉進退得時，措之宜，故曰君子哉。荀子曰：身之所長，上雖不知，不以悖君，身之所短，上雖不知，不以取賞，長短不飾，以情自竭，若是則可謂直士矣。不苟與此章相表裏

一貫伯玉之進退與甯武子相似。雍也篇二章可謂

庶幾於仁矣。

第八

子曰：可與言而不與之言，失人；不可與言而與之言，失言；知者不失人，亦不失言。

章旨夫子於程本子。家語致思篇不與之言，則為失人。

故傾蓋而語，其於陽貨與之言，則為失言，故遜言

而不悉。

一貫語默不失時，非知仁者不能。

第九

子曰：志士執志不撓之士，仁人成德君子，無求生以害仁，有殺身

以成仁。二句互文

章旨全身而為仁者，居常也；殺身以成仁者，處變

也；志士，仁人之臨大節也；有敢死而無敢生者，何

也；以守死善道也，是之謂當仁，不讓於師也。孟子

曰：死所惡，所惡有甚於死者，故患有所不辟也。告子

亦此意。一貫呂覽夏后啓曰以為可為故為之為之天下弗能禁矣以為不可為故釋之釋之天下弗能使矣生不足以使之則利曷足以使之矣死不足以禁之則害曷足以禁之矣。知分志士不可奪之節可想矣。

第十

子貢問為仁。子曰。工欲善其事必先利其器。居是邦也。事其大夫之賢者。友其士之仁者。賢仁喻利器章旨此言薰陶漸靡之功至大也。荀子曰蓬生麻中不扶而直。君子居必擇鄉。遊必就士。所以防邪

僻而近中正也。勸學篇可以解此章。

一貫曾子曰君子以文會友以友輔仁。顏淵篇二

與此章相發。

第十一

顏淵問為邦。子曰。行夏之時。取乘殷之輅。取服周之

冕。取樂則韶舞。取盡放鄭聲。雅恐亂遠佞人。恐覆鄭聲

淫。荒佞人殆。危

章旨夫子嘗曰用之則行舍之則藏唯我與爾有

是與。述而及其死也曰天喪予天喪予。先進可見

斯道之任深以顏淵為倚賴也。此章答為邦之間

以王者一代之制損益取舍之宜。夫子之所望於

第十二

顏淵亦可以知矣。財益取舍之宜，夫子之何望也。一貫天子之於四海，諸侯之於封內，法之則治安，背之則亂亡。夫子之數言，可謂仁於千歲矣。

子曰：人而無遠慮也，而如必有近憂。章旨：小人恣一日之樂，而無終歲之計，故患至掇也。君子存千歲之慮，而無一日之偷，是以自天祐

之，吉无不利。曰：仁者之樂，樂於道也。曰：君子之樂，樂於天也。

一貫視聽言動，非禮不為，可謂有遠慮矣。

第十三

子曰：已矣乎。歎辭吾未見好德如好色者也。

章旨：既解於上論，子罕篇而彼泛言當時，此章加已

第十四

子曰：臧文仲其竊位者與？知柳下惠之賢而不與立也。

矣乎三字，其嘆無明君可知矣。編旨君子有遠慮，故好德而不好色。

章旨：主藏而盜藏，罪重於穿窬。文仲在舉賢之職，而下展禽，猶主藏之盜藏也。何以居其位，故曰竊位，深責之也。

一貫：此章宜與公叔文子憲問篇章并看。孟子曰：言無實不祥，不祥之實，蔽賢者當之。離婁篇亦此章意。

意。

論語一貫

論語一貫

論語一貫

論語一貫

第十五

子曰。躬自厚而薄責於人。則遠怨矣。

章旨君子度己以義而望人以人則怨咎遠於其身。

一貫夫子曰攻其惡無攻人之惡非修慝與。顏淵

章十一修慝求內省不疚也此章為為仁之方可知

矣。

第十六

子曰。不曰如之何如之何者吾末如之何也已矣。

章旨太宰純曰古之君子未嘗不欲教人惟人未

肯來學則雖君子亦無由施教其將如之何哉故

曰吾末如之何也已矣。古訓外傳

第十七

子曰。群居終日言不及義好行小慧。知難矣哉。

一貫中庸曰有不問問之弗知弗措也子復曰切問而近思仁在其中矣。子張篇君子不切問何以

求仁。

章旨君子之群居也以文會友以友輔仁所言莫

不為義小人之群居也所言貪利相競所行才胥

自喜是所謂罔之生者以此立於世不亦難乎雖

刑戮未及亦幸而免而已。

一貫此章宜與人之生也直。雍也篇章參看說苑

曰小辨害大知小惠妨大義。說苑亦此意。

第十八

子曰君子義以為質質猶本也制禮以行之禮以行之禮以孫以出之孫讓也出猶言也信以成之君子哉

章旨 君子之制事必先問義與不義與而後立之故曰義以為質雖義以立之不率之以禮則事不行故曰禮以行之雖行之以禮不言之以孫則事不順故曰孫以出之雖出之以孫不終之以信則事不成故曰信以成之夫子曰能以禮讓為國乎何有里仁為美此章禮孫彼章禮讓也彼為一句此為二句意則全同讀者審諸

一貫義云禮云孫云信云仁在其中可知也荀子

第十九

子曰君子病無能焉病猶患也不病人之不已知也此章善解矣

章旨 既解于上論學而子曰君子病無能焉病猶患也不病人之不已知也

編旨 君子篤行上四物義禮何病人之不知

第二十

子曰君子疾惡沒世猶言終身也而名不稱焉

論語 衛靈公

章旨張栻曰有是實則有是名名者所以命其實也終其身而無實之可名君子疾諸非疾其無名也疾其無實也

一貫名實之賓也仁名之主也故曰君子去仁惡

乎成名里仁篇五章

第廿一

子曰君子求諸己小人求諸人

章旨君子反求諸己而不責人故行日修而邦家無怨小人求於人而不省己故志日肆而禍災聚於其身是君子之所以日進而小人之日退也一貫此亦仁者如射之意

第廿二

子曰君子矜而不爭群而不黨

編旨揚時曰君子雖不病人之不已知然亦疾沒世而名不稱也雖疾沒世而名不稱然所以求者亦反諸己而已三者文不相蒙而義實相足亦記言者之意集注

章旨矜者似爭然而君子禮容自持故似爭而非爭也群者似黨然而君子和而不同故似黨而非黨也

一貫曾子曰動容貌斯遠暴慢矣泰伯篇五章夫子答

顏淵問仁曰非禮勿動顏淵篇首章可見禮容自持為

仁之方也。

第廿三

子曰。君子不以言舉人。不以人廢言。

章音有言者不必有德。故不以言舉人。無德者不必無言。故不以人廢言。

一貫不以言舉人。察其所安。為政篇十章也不以人廢

言。切於修己也。察其所安。知之事也。切於修己。仁之事也。

第廿四

子貢問曰。有一言而可以終身行之者乎。子曰。其恕乎。己所不欲。勿施於人。

章音既解於一貫章。里仁為美

一貫列子曰。慎爾言。將有和之。慎爾行。將有隨之。

是故聖人見出以知入。觀往以知來。此其所以先知之理也。度在身。稽在人。人愛我。我必愛之。人惡

我。我必惡之。湯武受天下。故王。桀紂惡天下。故亡。此所稽也。稽度皆明而不道也。譬之出不由門。行

不從徑也。以是求利。不亦難乎。嘗觀之神農有炎

之德。稽之虞夏商周之書。度諸法士賢人之言。所以廢興存亡。而非由此道者。未之有也。說符篇有味哉。禦寇之言也。

第廿五

子曰。吾之於人也。誰毀誰譽。如有所譽者。其有所試

矣。

章旨蓋夫子嘗稱譽人，或人疑其過譽，故夫子云爾。言吾之於人，何所過毀過譽乎？若有所稱譽者，必有所驗其實，非徒譽之也。夫好惡不失，非成德君子不能。故曰：唯仁者能好人，能惡人。里仁其失之也，好則譽而沒其惡，惡則毀而滅其善也。滔滔皆是，能免其失者，天下其幾也。

一貫夫子曰：視其所以，觀其所由，察其所安。為政篇十

章。下章曰：衆惡之必察焉，衆好之必察焉。第二十章

可見夫子之不易毀譽也。此亦知之事，而仁在其

中矣。

第廿六

斯民也，三代之所以直人之生也道而行也。章首疑

脫

章旨蓋人有言周室微弱，風俗衰惡，難以爲治者。

故夫子告之以此也。斯者，即指所爲難治之民也。直，易直也，謂不用智計巧故，可以順易之道致治也。夫君子之德風也，小人之德草也，故堯舜在上，則民俗歸仁厚，桀紂在上，則民性成偷薄，下之於上，猶影響也。顧率之者何如已。世之稱賢才者，多以為後世澆醜，民俗險詐，以三代之道治今之俗。

猶舟之盪陸、車之推水也。遂學民之險，而峻其法，放民之詐，而隱其術，欲以富國強兵而致至治，殊不知富強至治不可致，而其弊適足以使國家為丘墟，宗廟不血食也。可歎哉！夫子因或人之言而發此言，其為萬世辨惑也切矣。孟子曰：君行仁政，斯民親其上，死其長矣。梁惠王篇聖賢之言，何其一揆也。

一貫 此章亦言以德禮為政而不任刑罰也。

編旨 此章舊屬上章，今別為一章。

子曰：吾猶及見及史之闕文也。有馬者借人乘之。山子

第廿七

字即史之闕餘 今則亡矣夫。七字亦既亡

章旨 此夫子嘆魯國衰微，風俗日汙也。言壯時嘗窺見國史策書，爾時雖失亡已多，闕餘猶見有馬者借人乘之之文，今則先所存者亦復亡矣。借人乘之，謂己不能乘之，則借與其人使調習之也。以喻人君以國委賢才使治之也。

一貫 此歎無明君用賢委國者也。亦鳳鳥不至吾

已矣夫。子罕篇之意。

子曰：巧言亂德。亂猶害也小不忍。忍容則亂大謀。

章旨 巧言之亂德，猶紫之奪朱也。聞之似忠信，察

第廿八

之似廉直、自非明主、不見以為德者、幾希、而本之則亡矣、其究將使人君日漸非德、而不自知、可不懼乎、凡舉大事成、大謀非得剛正忠直士不能、而若士敢犯顏色、而不避忌諱、君不容忍、假貸而盡其知力、則所謀大事、難得遂成、二言戒人君、使不惑巧言、而納用忠直也。

一貫人君知己、則不惑巧言、克己、則能容直言、非容直言、亦不能知己、然則二者以克己為主、

第廿九

子曰：眾惡之必察焉，眾好之必察焉。

章旨 孟子曰：國君進賢如不得已，將使卑踰尊，疏

踰戚，可不慎與？左右皆曰賢，未可也；諸大夫皆曰賢，未可也；國人皆曰賢，然後察之，見賢焉，然後用之；左右皆曰不可，勿聽；諸大夫皆曰不可，勿聽；國人皆曰不可，然後察之，見不可焉，然後去之。梁惠王篇

可謂能述此意矣。

一貫此亦知之事、而仁在其中矣、呂覽曰、人主之性、莫過乎所疑、而過於其所不疑、不過乎所不知、而過於其所已知、故雖不疑、雖已知、必察之以法、揆之以量、驗之以數、若此、則是非無所失、而舉措無所過矣。謹聽 荀子曰：天下有二、非察是、是察非、

第三十

子曰。人能弘道。弘，擴張之謂。非道弘人也。

謂合王制與不合王制也。
解蔽篇義與此章相發。

章旨中庸曰。文武之政。布在方策。其人存則其政舉。其人亡則其政息。亦謂人能弘道也。此章以上句為主。言道雖貴不能獨舉。待賢而行也。下句受上反說已。

一貫言必待賢者而後道可舉。仁可為也。

第三十一

子曰。過而不改。是謂過矣。

章旨夫子曰。過則勿憚改。學而傳曰。人誰無過。過而能改。善莫大焉。
宣二年。然則過而不改之為不善。

亦莫大焉。夫子所以特命之以過也。

一貫過而能改。為仁之方莫近焉。宜與君子不重。

學而篇八章。章參看。

第三十二

子曰。吾嘗終日不食。終夜不寢。以思。無益。不如學也。

章旨夫子嘗曰。學而不思則罔。為政篇。荀子亦曰。思

索以通之。勸學篇。君子之貴思也尚矣。然思索而不

學。則徒疲精神。處事疑殆。故曰無益。語各有所主。

讀者審焉。

一貫學之救蔽而成美。猶禮樂之文才而成德也。

而學與禮樂。非有二致。言雖異其歸一也。不然不

第三十三

可以一貫之也

子曰君子謀道不謀食

謀猶計也

耕也餒在其中矣學也

祿在其中矣君子憂道不憂貧

覆說首句與互鄉章同例

章旨太宰純曰夫君子之所以為君子者以有道

也故君子謀道不謀食小人則謀食也耕也餒在

其中矣學也祿在其中矣者言求之不必得不求

或得之也得之與不得有天命焉人末如之何然

則君子何憂憂道而已不憂貧也古訓外傳或曰餒疑

當作食

一貫夫子曰仁者先難而後獲可謂仁矣

雍也篇二十章

第三十四

意同

子曰知及之仁不能守之雖得之必失之

韓彭似之

知及之仁能守之不莊以蒞之則民不敬

漢高似之

及之仁能守之莊以蒞之動之不以禮

齊之禮以未善

也周公而可稱善矣

章旨此以人君言言雖才畧足以君一國而無德

義以鎮之則亦將失社稷也雖德義以守其國而

不威儀矜莊以臨之則民不畏敬之也雖威儀矜

莊以臨民而不以禮教導之而感化動作民心則

不能移風易俗致至治也

一貫易曰天地之大德曰生聖人之大寶曰位何以守位曰仁繫孟子曰三代之得天下也以仁其失天下也以不仁國之所以廢興存亡者亦然天子不仁不保四海諸侯不仁不保社稷卿大夫不仁不保宗廟士庶人不仁不保四體今惡死也而樂不仁是由惡醉而強酒離婁篇聖賢之言可謂信而有徵矣

第三十五

子曰君子不可小知而可大受也小人不可大受而可小知也

章旨 此言君子德量寬弘於細事未必可觀而可

以任大事也小人器量褊狹於細事或可觀而不可任以大事也

一貫此亦知之事而仁在其中矣淮南子曰有大畧者不可責以捷巧有小智者不可任以大功人有其才物有其形有任一而太重或任百而尚輕是故審毫釐之計者必遺天下之大數不失小物之選者惑於大事之舉譬猶狸之不可使搏牛虎之不可使搏鼠也主術訓可以喻此章

子曰民之於仁也甚於水火甚猶急也吾見蹈而死者矣未見蹈仁而死者也

第三十六

論語一貫 卷五 十七

章旨此章夫子勉人為仁也。人生之所資莫急於水火而仁又急於水火矣。將極言仁之至重不可棄。故舉水火對說也。是亦夫子舍食而取信。顏淵篇孟子舍生而取義。告子篇之意。朱熹曰水火或有時而殺人。仁則未嘗殺人。亦何憚而不為哉。集注

一貫孟子曰仁人之安宅也。義人之正路也。曠安宅而弗居。舍正路而不由。哀哉。離婁篇三畧曰人之在道若魚之在水。得水而生。失水而死。故君子常懼而不敢失道。下畧玩味此二喻得此章意。

第三章

子曰當仁不讓於師。見危致命

章旨此喻言舉可讓之極。以示無所讓也。夫師者道之所在。可讓之至。莫尚焉。君子殺身以成仁之時。唯義之視。復誰之讓哉。

一貫此章不待措言。

第三章

子曰君子貞而不諒。執德弘

章旨言必信行必果。諒也。言不必信。行不必果。而終始不矢其正。貞也。

一貫仁以為己任。死而後已。可謂貞矣。

第三章

子曰事君敬其事而後其食。

章旨夫子曰仁者先難而後獲。雍也篇家語曰先勞

而後祿儒行解可以解此章

一貫章旨可以觀矣

第四十 子曰有教無類

章旨以堯為父而有丹朱以鯀為父而有禹舜生於東夷文王長於西夷故先王修其教而不問其類

一貫此言無人而不可教化無國而不可為仁也韓詩曰繭之性為絲弗得火工燔以沸湯抽其統理則不成為絲卵之性為雛不得良雞覆伏孚育積日累久則不成為雛夫人性善非得明王聖主

第四十一 子曰道不同不相為謀

扶携內之以道則不成為君子卷五此章之善解也

章旨此章言君子宜友君子相切磋而輔仁也荀

子曰道不同何以相友也均薪施火火就燥平地注水水流濕類之相從也如此取友求善人是德

之基也大畧篇可謂善述此章意也

一貫子夏曰百工居肆以成其事君子學以致其

道子張篇亦言輔仁也淮南子曰行合趨同千里相從行不合趨不同對門不通說山訓意亦同其不

第四十二 子曰辭達而已矣

第章三

章旨夫言以足志文以足言言之無文行之不遠
 文之過華亦掩其實言之無文與文之掩實其不
 達一也故儀禮曰辭多則史少則不達辭苟足以
 達義之至也禮聘由此觀之文質彬彬而後行之為
 不窒此章特曰達而已矣蓋矯時人辭命文掩其
 實也亦從先進之野人之意也

一貫禮與其奢也寧儉少伯篇剛毅木訥近仁子路

八篇其所歸一也文選七師

師冕見及階子曰階也及席子曰席也皆坐見師冕起者坐

子告之曰某在斯某在斯師冕出子張問曰與師言

之道與子曰然固相師之道也

章旨小記曰未有燭而有後至者則以在者告道

瞽亦然少儀義與此章相發

一貫告以舉坐者恕瞽者意也

季氏第十六

一貫二十篇中凡夫子答國君者稱孔子對曰臣

之於君賤之於貴措辭之體為然答大夫者亦有

稱孔子對曰者蓋國君之推也然而至答尾生畝

者亦稱孔子對曰憲問不知為何義凡記夫子之

語者皆稱子曰弟子稱師之措辭為然而此篇獨

稱孔子曰無一稱子曰者亦不知為何謂他篇亦有稱孔子曰者二三豈歷年悠遠傳寫轉訛遂致例不一與將為其不關大義編者不以此等為例也姑記所疑以俟識者

第一

季氏將伐顓臾蓋如襲下冉有季路見於孔子曰季

氏將有事於顓臾孔子曰求無乃爾是過與冉有為宰故特

責之夫顓臾昔者先王以為東蒙主魯臣且在邦域之

中矣是社稷之臣也魯猶不專為臣季氏何得

擅冉有曰夫子欲之吾二臣者皆不欲也孔子曰

求周任有言曰陳力就列不能者止危而不持顛而

不扶則將焉用彼相矣責不任職且爾言過矣虎兕

出於柙龜玉毀於櫝中是誰之過與典守者不知冉有

曰今夫顓臾固而近於費今不取後世必為子孫憂

辭飾孔子曰求君子疾夫舍曰欲之與上不顧而必更為

之辭責飾丘也聞有國有家者不患寡而患不均不

患貧而患不安寡與貧未也均與安本蓋均無貧和

無寡安無傾上下均則力一力一則雖寡猶眾也故安

安則夫如是故遠人不服則修文德以來之修禮樂

而不用既來之則安之撫之今由與求也相夫子遠

人不服而不能來也以境邦分崩離析而不能守也

論語一貫 卷五 季氏

以境而謀動干戈於邦內。吾恐季孫之憂不在於顯
更而在蕭牆之內也。禍將發肘腋

章旨周道既衰，禮樂壞崩，強臣擅政，莫國不然。如
魯三家為八佾，雍徹雖僭竊不可忍，然徒禮文虛
飾，習俗所然，猶尚可容也。至如私顯更以圖自大，
則其不臣之實益顯矣。是君子之所深疾也。二子
坐視而不匡救，又隨而為之飾辭，謂之何乎？微夫
子痛責以大義，則二子殆不免比賊之罪。嘗目之
以具臣，豈徒乎？
一貫此亦尚文德而斥干戈，與為政以德為政篇首章

四章意同

第二

孔子曰：天下有道，則禮樂征伐自天子出。湯武成

下無道，則禮樂征伐自諸侯出。齊桓晉

十世希不失矣。十世五世三世舉自大夫出。五世希

不失矣。季氏陪臣執國命。三世希不失矣。陽貨

章旨至治之世，政自天子出，則名正言順，諸侯奉
戴天子，而其下各敬事其上，故事莫不順成。天子
失其柄，而在諸侯，則其下各放其上，而事莫不倒
置。益下而益橫，益卑而益短，夫子之於政也，以正
名為先，為是故也。

一貫此槩論天下隆汙之勢所以深歎季亂也

天下有道則政不在大夫天下有道則庶人不議

章旨天下有道賢者在職而政不沮格百事順成

故庶民樂其業安其生而不非論上政天下無道

則賢者伏匿政無綱紀故百姓不聊生而怨讟並

起

一貫與上章意同

編旨此章承上類記

第三

孔子曰祿天之去公室五世矣宣成襄昭定政逮於大夫

四世矣文子武子悼子平子故夫三桓之子孫微矣

章旨蘇軾曰禮樂征伐自諸侯出宜諸侯之強也

而魯以失政政逮於大夫宜大夫之強也而三桓

以微何也強生於安安生於上下之分定今諸侯

大夫皆陵其上則無以令其下矣故皆不久而失

之也集注

一貫左傳作三軍三分公室而各有其一襄十一年上

章泛論天下此章歎魯國之衰亂也

第四

孔子曰益者三友損者三友友直友諒友多聞益矣

友便辟諂媚趨避貌友善柔順從不逆友便佞諂諛有才辨損矣

章旨古者立數目以誨導人為其易於記誦而便

於三省也。篇中語數目者多矣，莫非所以戒惡成善也。古人以友譬芝蘭鮑魚，成仁常於是，成不仁亦在是。薰陶之久，自忘猶臭，則美惡之相懸，何徒霄壤，可不慎哉。

一貫。曾子曰：以友輔仁。顏淵篇末章所以擇之也。

第五

孔子曰：益者三樂，損者三樂。樂節禮樂。禮流於奢，樂流於淫，故節

中之就樂道人之善，樂多賢友，益矣。樂驕樂。驕傲自喜樂佚

遊。放遊無度樂宴樂。沉湎酒色損矣。禮樂如字，餘音洛

章旨：人不能無所樂，所樂善則日進於道義，所樂不善則日趣於污下。君子小人之所以相背馳，古

今一也。

一貫。揭示三樂，所以誘人於仁也。

第六

孔子曰：侍於君子有三愆。言未及之而言，謂之躁。言及之而不言，謂之隱。未見顏色而言，謂之瞽。

章旨：此言敬事長上，而謹慎其身也。荀卿述此意

曰：未可言而言，謂之傲。可與言而不言，謂之隱。不

觀顏色而言，謂之瞽。君子不傲不隱不瞽，謹順。當作

慎，韓本其身。勸學得末句義益明。

一貫。意同上章。

第七

孔子曰：君子有三戒。少之時，血氣未定，戒之在色。及

其壯也。血氣方剛。戒之在鬪。及其老也。血氣既衰。戒之在得。

章旨色之於少。鬪之於壯。得之於老。能戒之。則保父母遺體。而介福在身。不能戒之。則性命危殆。而百禍輻湊。華夏蠻貊。無古無今。無貴無賤。莫不皆然。可不戒乎。

一貫亦同上章。

第八

孔子曰。君子有三畏。畏天命。畏大人。畏聖人之言。小人不知天命而不畏也。狎大人。侮聖人之言。

章旨太宰純曰。畏天命者。君子知天命靡常。故畏

第九

之也。康誥云。惟命不于常。詩云。天命靡常。是也。大人者。專以位言。謂人主也。禮運云。大人世及以為禮。孟子曰。說大人則藐之。是也。畏聖人之言者。聖人之言。信而有徵。故亦畏之也。小人不知天命而不畏者。小人不知其靡常。故不畏也。狎大人者。大人苟得親近之。則小人狎之也。侮聖人之言者。小人聞聖人之言。而不知其信。而有徵。故侮之也。

外傳

一貫既解於上論。泰伯篇三十六章。

第九

孔子曰。生而知之者上也。學而知之者次也。困而學

季氏

之。又其次也。困而不學，民斯為下矣。

章旨夫生而知之者，無以尚之，學而知之者，及其成功，亦與上者同。困而學之者，病其不達而自強者，亦可進於上。中庸曰：或生而知之，或學而知之，或困而知之，及其知之之一也。困而猶不知學，是不耻可耻之人，我無如之何。故曰下。

一貫三之字指道，仁知在其中矣。韓詩：孔子曰：君子有三憂，弗知可無憂與，知而不學，可無憂與，學而不行，可無憂與。卷亦此章意。

第十

孔子曰：君子有九思：視思明，非禮勿視，聽思聰，非禮勿聽，色思

溫

和

貌，思恭。

恭作肅

言思忠，事思敬。

執事敬

疑思問，忿思

難

患

見得思義。

見利思義

章旨太宰純曰：思猶欲也，與饑思食，渴思飲之思

同。唯思難，思義之思，為思慮之思。古訓外傳

一貫九思皆為仁之方也。

第十一

孔子曰：見善如不及，

及汲於行善

見不善如探湯。

恐而不近，吾

見其人矣。吾聞其語矣。隱居以求其志，行義以達其道。吾聞其語矣。未見其人也。

章旨見善如不及，就善也；見不善如探湯，避不善也。隱居求志，避無道也；行義達道，就有道也。伊藤

維楨曰、隱居求志、如伊尹耕于有莘之野、而樂堯舜之道是也、行義達道者、如幡然而起、應湯之聘、幣是也。古義

一貫孜孜行善之人、夫子曰見行藏從時之人、夫子曰未見、可以知仁知之難得也。

第十二

齊景公有馬千駟、死之日、民無德而稱焉。伯夷、叔齊

餓餓猶饑也于首陽之下。民到于今稱之。胡寅曰、顏淵篇誠不以富亦祇

以異八字、當在此、似是、按句首宜補孔子曰、蘇原萬世曰、異當作德、說詳于顏淵篇其斯之謂

與。與章旨齊景之富、而民無稱之、夷齊之約、而後世傳

之、豈不以有德與無德乎、夫子援詩斷之、以示君子之所去就也、千歲之下、讀此章者、雖鄙夫莫不欽慕夷齊、而賤棄齊景也、至其行身、則厭沒於利、而不暇脩德、不獨鄙夫為然、雖搢紳學士、亦或不免、難哉克己復禮也。

一貫二子可謂守死善道矣。

第十三

陳亢問於伯魚曰、子亦有異聞乎。異猶他也對曰、未也。嘗

獨立、鯉趨而過庭、曰學詩乎。對曰、未也。曰、不學詩無以言。鯉退而學詩。他日又獨立、鯉趨而過庭、曰學禮乎。對曰、未也。不學禮無以立。鯉退而學禮。聞斯二者

詩一貫 卷五
矣。陳亢退而喜曰：問一得三。聞詩聞禮，又聞君子之遠其子也。

章旨：夫先王以詩禮開教道，使天下之人依詩以言，據禮以立，囿之詩禮之中，而舊俗以變，民德歸厚，刑措之治所由而致也。及周之衰也，政教崩於上，風俗頹於下，詩禮之教非復先王之舊。然當春秋之時，文武之道未全亡，其存於人者，魯衛晉齊宋鄭猶尚不為寡，其會盟朝聘之節，饗燕獻酬之際，詩禮之用，往往可觀。其不學詩如慶封，雖智取辱於魯，不學禮如孟僖子，雖賢遺譏於楚，如二子

亦可以觀不學二物之無言無立之一端也。其義

互解於為政章第二，泰伯章第九，陽貨章第九，等篇，讀者

參看焉。

一貫詩禮之成德，上論既詳之。泰伯篇九章，此章夫子

之言，亦可以參味矣。

第十四

邦君之妻，君稱之曰夫人，夫人自稱曰小童。邦人稱之曰君夫人。稱諸異邦曰寡小君。異邦人稱之亦曰君夫人。

章旨：此章蓋記者錄正名中一事，以喻其餘也。夫邦君之妻，一夫人而其稱四，君稱之曰夫人者，以

與已敵體、不過稱之、亦不卑視之也、夫人自稱曰
 小童者、謙不敢以成人自居也、邦人稱之曰君夫
 人者、尊之猶君也、稱諸異邦曰寡小君者、臣民對
 他邦之謙辭、猶稱君曰寡君也、加小以分之已、異
 邦人稱之亦曰君夫人者、尊之猶己國之夫人也、
 所稱四異一同、而其義各有所當、如此則名正言
 順、治之所由成也、若夫一物失稱、則名反而言逆、
 亂之所由起也、凡百之事、莫不皆然、可見君子臨
 政、不可不以正名為先也、
 一貫正名、治國之首務、不由此莫以為仁於國也、

第十四

編旨 詩禮者、先王治國之大具、然而名不正、則詩
 禮亦無所施之、此章所以承上也、

陽貨第十七

第一

陽貨欲見孔子。孔子不見。惡其人。歸孔子豚。欲令孔子來拜孔子。
 時其亡也而往拜之。遇諸塗。謂孔子曰。來予與爾言。
 曰。懷其寶而迷其邦。可謂仁乎。懷治民之具、而坐視國之迷亂、非仁者之行也。
 曰。不可好從事而亟失時。可謂知乎。有意於濟民而常失時機、非智者之為也。
 曰。不可。日月逝矣。歲不我與。老在且夕、孔子宜急任。
 曰。諾。吾將仕矣。
 章旨 弗擾肺腑之於季氏、趙氏叛形既見、陽貨之於

李氏叛形未見，夫子應二子而不應陽貨者何也？蓋弗擾肺腑，雖為叛臣，其召夫子也，欲待夫子從事，其志在善也。陽貨則否，見夫子德日盛，舉國信向之，將假夫子重而收民望於己，以成其詐謀已。是夫子之所以孫言不就也。

一貫。夫子曰：知者不失人，亦不失言。衛靈公此章

夫子之遇陽貨，可以見其不失言也。蓋亦明哲者，危行言遜之動也。

第二

子曰：性相近也，習相遠也。

章旨夫人之質性不甚相遠，習之善則為君子，習

之不善則為小人，於是乎始相遠矣。所習可不慎乎？孟子名性以善，荀子名性以惡，其流末之弊，善惡相爭，析毫剖釐，經千歲之日，萬人之口，而孰是孰非，其所歸不可得而知，要之皆無用之辨也。夫先王之道，以教為主，千舉萬變，無往而不然。姑以二十篇中所載，徵其一二：曰學而時習之。學而言學先王道而服習之也。曰為政以德，譬如北辰居其所而衆星拱之。為政言修先王道而教道民，則天下歸向之也。曰吾十有五而志于學，曰從心所欲，不踰矩。同言夫子修先王道而成德於身也。曰

脩己以敬曰脩己以安百姓憲問篇言以先王道修身推而及國家也然則君子以斯道修身以斯道治國家皆取於教而足矣性何有於身性何有於國家乎柴之愚參之魯師之僻由之嘍先進篇皆性之疾也而得夫子誘裁修身崇德為孔門高第名與天壤並傳亦皆取之於教而足矣性何有於四子乎今之志於道者修身及國家而能得此行於四子不亦善乎性之善惡何有於我乎歐陽修曰聖人之教人性非所先可謂知言矣夫孔子之後以道為己任祖述先王孔子使斯文章章於千載

者莫尚孟荀今讀其書宛然如升夫子堂親接德音二公之後二千有餘歲不復聞有二公可不仰止乎其辨性之善惡一時便於導人蓋亦有不得已者二公亦不自知末弊之至此其他辨論之際雖不無可議者是其所以謝於聖亦何足以此微瑕累其大美乎語曰大功有所不為大智有所不慮諸如此類置而不論可矣

一貫此章言教化之能誘人於仁也呂覽曰戎人生乎戎長乎戎而戎言不知其所受之楚人生乎楚長乎楚而楚言不知其所受之今使楚人長乎

戎戎人長子楚則楚人戎言戎人楚言矣由是觀之吾未知亡國之主不可以為賢主也其所生長不可耳用象篇荀子曰有師法者人之大寶也性也者吾所不能為也然而可化也情也者非吾所有也然而可為乎注錯習俗所以化性也并一而不貳所以為積也習俗移志安久移質并一而不貳則通於神明參於天地矣儒效篇通於神明即從所欲不踰矩也二書之言可以解此章

第三

子曰唯上知與下愚不移

章音人之賢不肖雖習使之然亦有習之善而不

移習之不善而不變者不特舜禹之為上智桀紂之為下愚雖野夫卑隸有以所習而不移變者亦上智下愚之類也

一貫上智先王之所崇下愚先王之所懲崇懲不失所處先王之所以為仁也荀子曰堯舜者天下之善教化者也不能使鬼瑣化何世而無鬼何時而無瑣自大皞燧人莫不有也正論篇此亦謂下愚之不可移也

第四

子之武城聞絃歌之聲

以禮樂為教

夫子莞爾

微笑貌

而笑

曰割雞焉用牛刀

喻所治小所用大

子游對曰昔者偃也聞

諸夫子曰。君子在上學道。則愛人。小人在下學道。則易使也。子曰。二三子。語從者偃之言是也。前言戲之耳。雖所用大

同歸於道。則無害成治。故戲前言而解從者惑。

章旨君子學道。則寬弘而愛人。小人學道。則謹慎而供命。故古之治國也。教之誨之。以容於道為務。子游以禮樂為教。亦所以容之於道也。然而夫子有此喻何也。夫子意蓋以為禮樂雖美盛。治武城小邑。別有小於此。而切於時。易於行者。舍之而用禮樂。猶割雞用牛刀也。所以規之也。子游得規而自省。請其小切者。則夫子必有所啓之。而子游不

請。對以所嘗聞。是以其所為自是。而不以三隅反者也。故夫子亦不復。然果害於治。則夫子必告以其故。蓋雖國無大小。治之以道。而治之之方。不能無大小。雖方有大小。均歸於道。則無害於成治。於是乎戲其前言。姑寬假而使其自索。且以解從者惑也。此章其優柔不迫之態。幾與陳司敗章相似。讀者宜深味自得之。

一貫此章為仁於邑也。

第五
公山弗擾以費畔。召子欲往。子路不說曰。未之也。已。何必公山氏之之也。子曰。夫召我者而豈徒哉。將有為也。

如有用我者。吾其為東周乎。

章旨左傳吳將伐魯公山不狃謂公孫輒曰君子違不適讐國未臣而有伐之奔命焉死之可也所託也則隱且夫人之行也不以所惡廢鄉今子以小惡而欲覆宗國不亦難乎哀八年由此言觀之不狃之為人不忘其本可知也其召夫子非欲誘而陷非義者也夫子欲往亦以其有可共為之端也為東周者言欲致文武之治也不曰西周者蓋謙辭也

一貫雖畔臣有可為之道不拒其召亦夫子不忘

民之仁也

第六

子張問仁於孔子。孔子曰。能行五者於天下為仁矣。

請問之曰。恭寬信敏惠。恭則不侮。敬人故人不侮之寬則得

衆。有容故衆歸之信則人任焉。不背故人盡力敏則有功。不怠故事

惠則足以使人。能施故人供其使令

章旨不曰恭寬信敏惠而曰五者五者為修身治天下之大物可知也五者修身及家則布衣士亦可能也至推於國行於天下則不居其位當其任不可得而為也此章曰於天下以其當位任言也明矣子路問君子子曰修己以敬及其再三請益

則曰修己以安百姓堯舜其猶病諸憲問篇以堯舜之聖居天子位猶不易之無位而欲行五者於天下難哉舊說以天下為無適而不然之義味此章措辭恐非其義也

一貫此章不俟措言

第七
腓肸召子欲往子路曰昔者由也聞諸夫子曰親於其身為不善者君子不入也腓肸以中牟畔子之往也如之何子曰然有是言也不曰堅乎磨而不磷不曰白乎涅而不緇二語喻言此不可污辱吾豈匏瓜也哉匏瓜星名焉能繫星辰繫焉之繫而不食猶言無用也

章旨昔者所言語常也此所言語權也夫子嘗曰

可與適道未可與權子罕篇然則往不狃往腓肸非子路之所得而知也子路之止夫子不過慮患害與污辱故姑發二喻以安其心南子桓魋畏匡及此等章夫子處變安命之事時殊辭異而其意全同讀者宜參伍自得之

一貫亦同於公山弗擾章第五伊藤維楨曰弗擾

腓肸二章皆記其欲往而不記其卒不往者蓋示人以夫子仁天下之心而其不往者不暇論焉古義
第八
子曰由也汝聞六言六蔽矣乎蔽掩塞也又與對曰蔽同其義兩通

未也。居吾語汝。好仁不好學，其蔽也愚。義無以斷之，故失於慈愛。

而好知不好學，其蔽也蕩。禮無以約之，故放蕩無極。好信不好學，

其蔽也賊。義無以裁之，故好復言而賊。好直不好學，其蔽也絞。好

勇不好學，其蔽也亂。好剛不好學，其蔽也狂。柔無以克之，故

妄動而暴厲。章旨六言雖皆美德，不好學則不能救其蔽而成

其美也。學者所以救六蔽而成六德也。夫子曰：恭

而無禮則勞，慎而無禮則蕙，勇而無禮則亂，直而

無禮則絞。秦伯恭慎勇直亦美德也。勞蕙亂絞其

蔽也。禮者所以救四蔽而成四德也。夫子曰：若臧

武仲之智，公綽之不欲，卞莊子之勇，冉求之藝，文

之以禮樂，亦可以為成人矣。憲問篇文之以禮樂者，

亦裁而歸中之謂也。四子之賢，雖不至蕩亂之已

甚，亦不能無其蔽。故裁之以禮樂，而後可以為成

人也。合三章觀之，學云禮云禮樂云，名不同而其

歸一可知也。皆所以成仁也。

一貫章旨可以觀矣。

子曰：小子何莫學乎？夫詩，何莫勉？詩可以興。興猶譬也，

喻於人。可以觀。觀人之情偽。可以羣。情喻歡合，和同而樂。可以怨。已所

詎之，以詩、邇之事父，遠之事君，多識於鳥獸艸木之

婉而易入。

陽貨

論語

卷五

三

論語

卷五

三

名

章旨國語秦伯饗公子子餘使公子賦黍苗子餘

曰重耳之印君也若黍苗之印陰雨也若君實庇

廕膏澤之使能成嘉穀薦在宗廟君之力也晉是

重耳以黍苗自興譬言也是興左傳襄二十七年鄭

伯享趙孟趙孟曰七子從君以寵武也請皆賦以

卒君賦武亦以觀七子之志是觀人之情也是觀

又昭元年夏四月趙孟叔孫豹曹大夫入于鄭鄭

伯兼享之禮終乃宴皆賦詩趙孟曰吾兄弟比以

安危也可使無吠穆叔子皮及曹大夫興拜舉兕

爵曰小國賴子知免於戾矣飲酒樂是羣而樂也

是羣也又昭十六年鄭六卿餞宣子於郊宣子曰二

三子請皆賦起亦知鄭志知猶觀也既賦宣子喜曰鄭

其庶乎二三君子以君命賦起賦不出鄭志皆昵

燕好也是亦羣也又襄十四年范宣子將執戎子駒支

使無與會戎子駒支對曰我諸戎飲食衣服不與

華同贄幣不通言語不達何惡之能為不與於會

亦無曹焉賦青蠅而退宣子辭焉使即事於會成

愷悌也是賦詩以訴怨而免執辱也是怨也以上所

引可以徵其所用之一端也君子以此物修身及

國至君臣父子兄弟朋友之際皆莫不得其宜多識物名復其餘事也

一貫宜與為政

第二章

泰伯

第九章

等章并見

第十

子謂伯魚曰汝為

詩高叟為

周南召南矣乎人而不為

周南召南其猶正牆面而立也與

章旨學詩者必以周南召南為主以其情樂而不

流淫其音哀而不至傷也牆面喻言言其蒙蔽不

可前一步也夫子曰不學詩無以言

季氏篇

與此章

相發

一貫亦同上章

第十一

子曰禮云禮云玉帛云乎哉樂云樂云鐘鼓云乎哉

章旨此言禮樂之本不在玉帛鐘鼓也言世之恒

言曰禮曰禮未嘗曰玉帛可見禮之本不在玉帛

也曰樂曰樂未嘗曰鐘鼓可知樂之實不在鐘鼓

也孟子曰仁之實事親是也義之實從兄是也知

之實知斯二者弗去是也禮之實節文斯二者是

也樂之實樂斯二者樂則生矣生則惡可已也惡

可已則不知足之蹈之舞之也

離婁篇

家語孔

子曰師爾以為必布几筵揖讓升降酌獻酬酢然

後謂之禮乎爾以為必行綴兆執羽籥作鐘鼓然

後謂之樂乎言而可履禮也行而可樂樂也聖人
 力此二者以恭己南面問玉篇荀子曰恭敬禮也調
 和樂也謹慎利也鬪怒害也故君子安禮樂利謹
 慎而無鬪怒是以百舉不過也臣道篇家語孔子曰
 無體之禮敬也無服之喪哀也無聲之樂歡也不
 言而信不動而威不施而仁六本篇孰思此數言則
 此章意不待言瞭然

一貫夫子曰詩曰思無邪為政篇二章思無邪即內省

不疚也內省不疚即格物致知而心正也大學中庸

亦曰君子內省不疚無惡於志是皆語禮樂之本

第十二

者而玉帛鐘鼓云乎哉之意也山子恒以學庸二
 經為說禮樂之本為之故也

子曰色厲而內荏外矜莊而內柔弱譬諸小人其猶穿窬亦鑿

也之盜也與

章旨此言人飭衣冠竦視聽姿貌儼然而內實貪

牟無厭榮利無不傾譬之猶穿牆穴壁之盜也覩

然並立於世自謂人莫之知也何無耻之甚也

一貫此亦巧言令色鮮矣仁學而篇三章之意小記曰

君子服其服則文以君子之容有其容則文以君

子之辭遂其辭則實以君子之德是故君子耻服

其服而無其容、耻有其容而無其辭、耻有其辭而無其德、耻有其德而無其行、是故君子衰經則有衰色、端冕則有敬色、甲冑則有不可辱之色、表記小記之言、與此章相反、而可以發此章、

第十三

子曰：鄉原，德之賊也。賊，害也。

章旨孟子曰：非之無舉也、刺之無刺也、同乎流俗、合乎汙世、居之似忠信、行之似廉潔、衆皆悅之、自以為是、而不可與入堯舜之道、盡心篇夫忠信廉潔、美德也、而使人誤認鄉原為忠信、誤認忠信為鄉原、其為德之害莫甚焉、夫子所以惡之也、陳櫟曰：

第十四

子曰：道聽而塗說，德之棄也。

章旨夫德得也、聽善言服膺而行之、則有得於己、故為德、若隨入隨出、則無得於己、是為棄德、無所一貫此言小人之不能為仁於身也、言不能為所以警其可為也、荀子曰：小人之學也、入乎耳、出乎口、口耳之間、則四寸耳、曷足以美七尺之軀哉、勸學篇與此章意同、

真非不足以惑人、惟似是而非者、最易以惑人、故

夫子以為德之賊、大

一貫此亦語不仁而喻仁也、

第十五

子曰鄙夫

鄙貪也

可與事君也與哉其未得之也患

疑當

補不字家語小記可徵

得之既得之患失之苟患失之無所不

至矣

章旨君子之事君也主義義合則進不合則退小

人之事君也主利其患不得之也砥痔吮癰無所

不為患失之也犯上作亂無所不至孟子曰今之

修其天爵以要人爵既得人爵而棄其天爵告子

篇至其棄天爵則亦何所忌憚乎

一貫鄙仁之反見漢書董仲舒傳仁者以公義勝私欲鄙

者以私欲滅公義苟以私欲滅公義何以行君臣

第十六

子曰古者民有三疾今也或是之亡也

物茂卿曰或是之亡無有

是古之狂也肆

不拘小節

今之狂也蕩

放蕩無極

古之矜也廉

物茂卿曰矜讀為狷

今之矜也忿戾

多恚狠戾

古之愚也直今之愚

也詐而已矣

章旨人之有癖性誘裁得其宜則向之所謂疾適

有足以為成德之資者如師也僻由也嘖皆是也

然彼有其癖則必有其實故誘裁可措如狂之不

肆狷之不廉愚之不直有其疾而無其實雖聖將

如之何是夫子之所以取剛毅木訥而舍巧言令

色也。此章言古今名同而實異也。

一貫。此章歎明王不興，風俗日頹，汙莫之維持也。

第十七

子曰：巧言令色，鮮矣仁。

章旨：既解於上論，學而

編旨：色厲，第二章而下，皆鮮矣仁者，所以承以此章

也。

第十八

子曰：惡紫之奪朱也，惡鄭聲之亂雅樂也，惡利口之覆邦家也。

章旨：孟子曰：孔子曰：惡似而非者，惡莠恐其亂苗也，惡佞恐其亂義也，惡利口恐其亂信也，惡鄭聲

也。

恐其亂樂也，惡紫恐其亂朱也，惡鄉原恐其亂德也。

也。盡心篇。蓋與此章同夫子之言，而傳聞之異也。語

有異同，而互相發，義益明矣。

一貫。呂覽曰：使人大迷惑者，必物之相似也。玉人

之所患，患石之似玉者；相劍者之所患，患劍之似

吳干者；賢主之所患，患人之博聞辨言而似通者。

亡國之主似智，亡國之臣似忠，相似之物，此愚者

之所大惑，而聖人之所加慮也。疑似篇。夫子之有此

第十九

子曰：予欲無言。

道已乎行之矣，言將何為。

子貢曰：子如不言，則小

論語一貫

卷五

陽貨

四十一

子何述焉。

二三子以夫子言為則。

子曰。天何言哉。四時行焉。百

物生焉。天何言哉。

默而行之。至誠無已。所則效在其中。何患無言。

章旨。此章以天喻德行也。荀子曰。天不言而人推

高焉。地不言而人推厚焉。四時不言而百姓期焉。

夫此有常以致其誠者也。君子至德嘿然而喻。未

施而親。不怒而威。夫此順命以慎獨者也。不苟又

曰。不聞不若聞之。聞之不若見之。見之不若知之。

知之不若行之。學至於行之而止矣。行之明也。明

謂之聖人。聖人也者。本仁義。當是非。齊言行。不失

毫釐。無他道焉。已乎行之矣。儒效篇。此章善解也。

第二

一貫。莊子曰。天地有大美而不言。四時有明法而

不議。萬物有成理而不說。聖人者。原天地之美。而

達萬物之理。是故至人無為。知此達。是亦同意。無為

即默而成之。不言而信之。存乎德行。繫辭也。

孺悲欲見孔子。孔子辭以疾。將命者出戶。取瑟而歌。

使之指孺悲聞之。

章旨。夫子嘗曰。朽木不可雕也。糞土之牆不可朽

也。公冶長篇。言本之無有。修飾不可施也。孺悲之罪。雖

不可知。蓋亦在雕朽不可施也。故夫子不責之以

言語。以此警之。所以使之深省也。

一貫此盖不屑之教誨也。孟子告子篇不可誨而誨之亦夫子之仁也。

第廿一

宰我問三年之喪期已久矣。君子三年不為禮。禮必

壞。三年不為樂。樂必崩。禮樂國家所急。舊穀既沒。新穀既升。

鑽燧改火。新穀成舊火改。以言天地更始。期可已矣。已止。子曰。食夫

稻衣夫錦。於女安乎。除衣服則食。曰。安。女安則為之。夫

君子之居喪。食旨不甘。聞樂不樂。居處不安。故不為

也。今女安則為之。宰我出。子曰。予之不仁也。子生三

年。然後免於父母之懷。夫三年之喪。天下之通喪也。

予也有三年之愛。三年字承子。生三年來。於其父母乎。猶言予無三年

之愛於父母也。謂父母之愛子。固極。而予無所愛於父母也。

章旨小記載。子路笑朝祥而莫歌者。夫子曰。由也

責人遂無已哉。三年之喪亦已久矣。檀弓由此觀

之。當孔子之時。行三年之喪者。既少可知也。按春

秋傳。列國諸侯居諒陰。百官聽冢宰者。未之有也。

孟子。滕大夫曰。我宗國魯先君。亦無之行。滕文公篇則

戰國之間。絕無可知也。及西漢文帝。遺詔以短喪。

至尊既如此。天下亦可推知也。東漢以下。南北之

間。或令而行之。又從而斷之。如此者數焉。從此以

降。如存如亡。三年之難行於當時。亦可以見。宰予

素以政事自負、雖以禮樂壞崩、穀升改火為辭、蓋亦察時勢不可行、特發此言、以質於夫子也。曰、然則三年喪、果不合人情乎、夫子答之、以此者何也、夫人之資性、雖有上知下愚之不移、其可教習而適道者、常居十之九、然而不維持以政教、則其究將至與禽獸無別、故先王為之制、君臣父子夫婦兄弟朋友之節、以導斯民而歸厚、於是乎有仁有義、有別有序、有信、所以囿民於名教之中、而使各安其生也。五者之中、莫切於父子、故德莫尚於仁、仁不忘本為主、故於其喪也、制服三年、以立之極、

極立而道生焉、三年於君者、父之推也、期於世父兄弟者、三年之推也、上之則祖曾高、下之則子孫旁親、莫往而不為三年之推、故三年立而五親序矣、九族睦矣、施之國、推之天下、皆莫不順成、故三年之制、其來久矣、書曰、百姓如喪考妣、三載四海遏密八音、舜子貢曰、書云、高宗諒陰、三年不言、憲夫稱聖帝、則莫尚堯舜、而立之不廢、稱中興明王、則高宗不讓百世、而修之不墜、文武周公亦從而詳之、皆莫不以三年為至隆、嗚呼、聖帝明王之所不敢議、而宰予欲裁而短之、宜矣、夫子之痛責

之也

一貫孟子曰仁之實事親是也離婁篇三年之喪其

仁之實與晉武帝詔曰受終身之愛而無數年之

報情所不忍也通鑑晉紀萬曆中奪張居正喪艾穆上

疏曰以禮義廉耻風天下猶恐不足顧乃奪大臣

之哀以為榮使天下為父子者皆忘三年之愛於

其父常紀墜矣明史艾穆傳玩味此等文有三年之愛

乎之義燎然矣

第廿二

子曰飽食終日無所用心難矣哉不有博奕者乎為之猶賢乎已

章旨此章將言不用心之甚不可故舉博奕對說

也夫子曰羣居終日言不及義好行小慧難矣哉

衛靈公篇與此義相發無所用心者不用心於人義也

夫父子之於親君臣之於義長幼之於序朋友之

於信為之則人也舍之則禽獸也故孟子曰飽食

煖衣逸居而無教近於禽獸滕文公篇亦言不志人義

之難以為人也夫為博奕之人人皆賤之彼雖非

君子道猶愈於逸居而無所用心今士君子知賤

博奕之人而不知己不志人義之近禽獸也何不

自省也

一貫夫子曰有能一日用其力於仁矣乎里仁為美用力於仁即用心於人義也六章

第廿三

子路曰君子尚勇乎子曰君子義以為上君子有勇而無義為亂小人有勇而無義為盜

章旨夫子嘗曰勇而無禮則亂泰伯篇又曰好勇不好學其蔽也亂第七

彼曰禮義在其中此曰義禮在其中好學則二者亦在其中三者名異而歸一

也夫義者宜也度之父子度之君臣度之夫婦度之兄弟度之朋友所措皆宜而行之以勇則勇得其宜而所行得其道故君子上之

其宜而所行得其道故君子上之

一貫尚義則仁在其中矣列子曰人而無義唯食而已是雞狗也彊食靡角勝者為制是禽獸也以勇

而無義也為雞狗禽獸矣而欲人之尊已不可得也人

第廿四

子貢曰君子亦有惡乎子曰有惡惡稱人之惡者與攻其惡無攻人之惡反惡居下流而訕上者異於所託必隱惡勇而無禮者負勇倨傲惡果敢而窒者不可喻曰賜也亦有惡乎惡徼也要也以為知者要人意嚮先惡不孫以

為勇者犯凌長上惡訐山子曰訐揭古字通用以為直者揭舉人之

為直陰私以為直

論語一貫

陽貨

四十八

章旨此章子貢素有所惡先叩夫子所惡以驗己所惡之中否夫子亦知子貢有所惡故既答而亦叩發之

一貫夫子所惡四件子貢所惡三件雖有異同均之不仁者之為也此章與下二章並列不仁者之行以喻仁者之行

第廿五 子曰唯女子與小人為難養也近之則不遜遠之則怨

章旨女子與小人不知義不知命故好之則偏惡之則怨高之則驕下之則懼驕斯溢焉懼斯亂焉

所以難養也

一貫仁者恭敬而安命故近之不狎遠之不怨

第廿六 子曰年四十而見惡焉其終也已

章旨夫子曰苟志於仁矣無惡也里仁仲弓問仁

子曰在邦無怨在家無怨顏淵詩曰在彼無惡在

此無射庶幾夙夜以永終譽周頌然則四十而見惡

其為不仁也可知

一貫章旨可以觀矣

微子第十八

第一 微子去之箕子為之奴比干諫而死孔子曰殷有三

仁焉。

章旨去之與為奴與諫而死雖行不同軌其履道處義則一也故曰三仁。

一貫此章不俟措言家語子曰比干於紂親則諸父官則少師忠報之心在於宗廟而固必以死爭之莫身死之後紂將悔悟其本志情在於仁者也。

子路篇

柳下惠為士師三黜人曰子未可以去乎曰直道而事人焉往而不三黜枉道而事人何必去父母之邦章旨言直道則人黜之枉道則我不為雖之他國

亦然均之黜者寧於父母之國孟子曰孔子之去魯曰遲遲吾行去父母國之道也。盡心篇與此章同仁者之為也。

一貫章旨可以觀矣戰國策昔者柳下惠吏於魯三黜而不去或謂之曰可以去柳下惠曰苟與人

燕惠王策

之異惡往而不黜乎猶且黜乎寧於故國爾。齊景公待孔子曰若季氏則吾不能以季孟之間待

之預待之辭曰吾老矣不能用也。自解孔子行。

章旨景公以季孟之間待之其遇夫子也厚矣所以就之也既而以吾老矣辭之所以去之也何曩

第二

者待之之懇而厚、後者辭之之遽而薄也。蓋其待也、焉知不有樂正子之薦之、其辭也、焉知不有臧倉之沮之、用與不用、命之所存、而就與去、孔孟同趣者也。

一貫 孟子曰、可以仕則仕、可以止則止、可以久則久、可以速則速、孔子也。丑公孫丑篇仕止與道共者、非仁者不能、尚書、九人未見聖、若不克見、既見聖亦不克由聖。君陳篇子墨子游於楚、獻惠王、獻惠王以老辭。墨子貴義篇不可有共為之主、古今一揆也。齊人歸女樂、季桓子受之、三日不朝、孔子行。

一貫 同上

第三

楚狂接輿歌而過。過車前孔子曰、鳳兮鳳兮、何德之衰。往者不可諫。既往不發來者猶可追。已而已而。時不可為今之從政者殆而。禍將及孔子下。下車欲與之言。知其非常人趨而辟之。不欲與言不得與之言。

章旨 歌而過之、欲使夫子聞之也。趨而避之、不欲見之也。所以諷止為於不可為也。

一貫 為於不可為、即夫子之仁也。

第四

長沮桀溺耦而耕。孔子過之、使子路問津焉。長沮曰、夫執輿者為誰。山子曰、輿疑當作轡、字似而訛。子路曰、為孔丘。曰、是

魯孔丘與曰是也。曰是知津焉。微譏周流問於桀溺。桀溺

曰子為誰。曰為仲由。曰是魯孔丘之徒與。對曰然。曰

滔滔者天下皆是也。同於無道而誰以與古易

之。易移風易俗之言且而也。與其從辟人之士也。

孔子所至不遇而豈若從辟世之士哉。辟世、溺擾而

不輟。子路行以告。夫子憮然。猶悵然曰鳥獸不可與同

群。隱士辟世而棲山林吾非斯人。猶言斯民也徒與而誰與。治則與民

樂之亂則與民憂之天下有道丘不與易也。與民同樂不復勞棲棲

章旨此言夫子視民之塗炭猶已居之也。蓋仁之

至也。孟子曰禹思天下有溺者由已溺之也。稷思

天下有饑者由已饑之也。離婁以彼參之可知聖賢之心異世同揆也

一貫章旨可以觀矣。

子路從而後。與夫子相失遇丈人以杖荷蓀。子路問曰子

見夫子。弟子稱乎。丈人曰四體不勤五穀不分孰為

夫子。言當今不勞四體不辨菽麥而唱先王道者皆稱夫子吾焉知汝所求夫子為誰何植其

杖而芸。子路拱而立。知非常人故敬止。子路宿。殺雞為黍而

食之。見其二子焉。丈人亦知明日子路行以告。子曰

隱者也。使子路反見之。使反見之則必有喻言至則

行矣。子路曰不仕無義。長幼之節不可廢也。君臣之

行矣。子路曰不仕無義。長幼之節不可廢也。君臣之

行矣。子路曰不仕無義。長幼之節不可廢也。君臣之

言言一貫

義如之何其廢之。欲潔其身而亂也。猶悖也。大倫。君子之仕也。行其義也。道之不行。已知之矣。

章旨 此言君臣之義。長幼之節。人之大倫也。丈人已不廢。長幼之節。則亦知君臣之義不可廢也。徒欲潔其身。而絕仕進之道。是廢君臣之義。而悖大倫也。人不仕無由行其義。故雖知道難行於今。猶周流以庶幾見君子。若有恒者已。蓋留言二子。以喻夫子憂世之意也。

一貫義云節云。仁在其中矣。

第六

逸民。遺逸之士。伯夷。叔齊。虞仲。夷逸。朱張。柳下惠。少連。子

曰。不降其志。不辱其身。伯夷。叔齊與。據孟子畧見。謂其不降辱。

柳下惠。少連。降志辱身矣。據上章及孟子亦畧見。柳下惠降辱。少連跡不詳。小

記所載。言中倫。倫類之倫。行中慮。動作不妄。其斯而已矣。

輕易之辭。句上。謂虞仲。弟仲雍。別是一人。夷逸。隱

居放言。放。縱也。二子行事雖流。身中清。行身清潔。廢中權。山

曰。廢恐當作。發。動合權宜。我則異於是。無可無不可。唯義所在。

章旨 伯夷。叔齊。不降志。不辱身。莫以尚之。柳下惠

少連。言可則效。行不妄動。雖降志辱身。其不害義

可知也。虞仲。夷逸。行身清潔。動作合宜。雖言語放

縱。其行不違道。可知也。然七子性行之偏。不能無

微子

過不及次之曰我則云爾者蓋夫子中措之時有不可以言語狀者故姑曰無可無不可以喻之已

一貫無可無不可即義之與比里仁篇之意

大師摯適齊亞飯干適楚三飯繚適蔡四飯缺適秦

四子皆避地鼓方叔入於河播鼗武入於漢少師陽擊鼗

襄入於海四子皆避世

章旨此蓋夫子歎國事日非賢者散亡也張載曰

周衰樂廢夫子自衛反魯一嘗治之其後伶人賤

工識樂之正及魯益衰三桓僭妄自大師以下皆

散之四方逾河蹈海以去亂聖人俄頃之助功化

第七

如此如有用我者期月而可豈虛語哉集注

一貫此章夫子憂世之情章章於言外矣

周公謂魯公曰君子不施山子曰施恐當私音之誤也其親不私其親

則賢才用焉不使大臣怨乎不以猶用也大臣用則無危顛之患故舊無

大故則不棄也故舊不遺則民不偷無求備於一人用其所長則事莫不成

章旨胡寅曰此伯禽受封之國周公訓戒之辭魯

人傳誦久而不忘也集注

一貫四節皆為仁之方也

周有八士伯達伯适仲突仲忽叔夜叔夏季隨季騶

第八

章旨舊說四乳產八子皆為顯士言周之盛時能陶成人才也

一貫兄弟八人皆為國器非周室禮樂之治仁政之洽焉能如此乎
編旨此篇首章微子可去而去之箕子不去而為之奴比干極諫而死之夫子斷之曰殷有三仁示行不同而同歸於仁也柳下惠三黜而不去以同於仁者之用心編者承上而類記之第二章景公待夫子也厚故就之其辭之也薄故去之就與去唯義所在則其不違仁也固矣齊人歸女樂三日

不朝夫子去之以其意同亦承上而類記之第三第四第五章承上夫子不遇而去記其周流所經而狂接輿知夫子而不喻其意者也故夫子欲與之言沮溺不知夫子而徒譏笑者也故夫子不必見之其曰天下有道丘不與易者示子路以不忍民塗炭之意也文人雖與沮溺相類而既止子路又見二子則似可與言者故使子路反見喻之以大倫之不可亂也以上三隱士雖褊戾不一狀夫子從其人存誘喻之意亦成物之仁也第六章承上隱士次之以夫子所嘗評論之七逸而章末有

無可無不可之言則可知夫子就去隱見唯義之與此也七逸皆避亂保身之賢也大師以下亦皆避魯亂之士故亦承上類記之夫世之治也賢者歸之世之亂也賢者去之周公相成王臨天下故天下之賢士歸之刑措之治於是乎成矣魯公伯禽奉周公戒而不失墜故賢者亦歸之魯之治安猶周也今之魯君不能奉周公戒賢士之去之不亦宜乎第七章所以承上以周公戒也是反之本也國之治也不唯賢者自外歸之亦必內教育英才而寘於周行第八章所以承以八士也夫天道

雖敏生不能使所生者皆美有心無心有氣無氣滔滔皆然故君之不忠臣父之不孝子莫國而不有莫家而不憂今八士出同腹而皆成美者豈非周家禮樂之教所致乎自首章以下記賢者避亂保身所以痛歎世之衰亂也此一章以八士結之所以深贊周家之至治也由此觀之其亂也豈唯賢者去之弑父與君之賊將發於肘掖之下其治也豈唯賢者歸之忠臣孝子將育於階庭之間其要在君之仁與不仁已此篇可稱法語者唯周公謂魯公之一章而他泛然雜叙避言避地避世之

事終之以八十章幾似無綱紀者故先輩有以八
士章為偶記篇末誤編入論語者壽陪侍於山子
帳側嘗與聞此篇編意因識以告初學

子張第十九

一貫此篇輯錄門弟子語與夫子言旨趣同者以
為一篇以皆為為仁之方也

第一

子張曰士見危致命殺身以成仁見得思義義而後取祭思敬

祭主喪思哀喪主其可也矣能四者可為士矣

一貫四者之為仁既互見於前

第二

子張曰執德不弘信道不篤焉能為有焉能為也

章音德之為物以寬弘為主然而執之不寬弘失

所以為德志於道者以篤信為主然而信之不敦
篤失所以得道既失其所以為主復何論有無於
其間乎

一貫此亦反言以喻仁之方

第三

子夏之門人問交於子張子張曰子夏云何猶如對

曰子夏曰可者與之其不可者拒之子張曰異乎吾

所聞君子尊賢而容眾嘉善而矜不能執德我之大

賢與於人何所不容我之不賢與人將拒我如之何
其拒人也

論語一貫

章旨子夏所言無友不如己者學而之意也子張
所言攻其惡無攻人之惡顏淵之意也二子之言
各有所主不可取彼而舍此也讀者能會其意皆
為仁之資也

一貫章旨可以觀矣

第四

子夏曰雖小道以先王必有可觀者焉非無可致遠

恐泥不可以治是以君子不為也

章旨此章攻乎異端斯害也已為政之意言學者

宜專心於先王道也

一貫不為者將以有所為也所為仁也

第五

子夏曰日知其所亡修月無忘其所能進可謂好學
也已矣

章旨太宰純曰此言溫故知新之事知其所亡即

知新也無忘其所能即溫故也日月互文耳古訓

一貫修業進德所期在仁

第六

子夏曰博學非一而篤志專心切問不一而近思能
仁在其中矣

章旨博學切問因人而言篤志近思因已而言能

此四者則不期仁而仁成故曰仁在其中矣荀子

曰君子博學而日參省乎己則知明而行無過矣

論語一貫 子張

勸學 可謂能述此意矣

一貫 此章不待措言

第七

子夏曰百工居肆以成其事

喻君子學以致其道

章旨百工在肆與同事之人居所見所聞莫非其業故其心專一不遷他物其事之所以成也君子之於學亦然從師取友專心講道則可以致其極一貫學云道云仁在其中可知也

第八

子夏曰小人之過也必文

章旨君子不憚改過故日進小人飾過而護之故

一貫 此亦反言而喻仁之方

第九

子夏曰君子有三變望之儼然即之也溫聽其言也

厲

章旨伊藤維楨曰望之儼然禮之存也即之也溫仁之著也其言也厲義之發也古謝良佐曰此非有意於變蓋並行而不相悖也如良玉溫潤而栗然

一貫子溫而厲威而不猛

仁之本也禮節者仁之貌也

第十

子夏曰君子信而後勞其民未信則以為厲己也信

第十一

論語一貫 卷五

而後諫未信則以為謗己也。

章旨德修於己則信孚於物然後民勞不怨君聽不拒民不怨則功成君不拒則言行如此則無厲謗弊而可為仁於國。

一貫德修於己而道行於彼此亦反求於己也。

第十二

子夏曰大德不踰閑。

德猶行也

小德出入可也。

章旨君子寬裕而不迫切故事不害義者言不必信行不必果毀方瓦合是小行之可出入者也從命則禽獸不從命則修飾殺身則仁求生則不仁是大行之不可踰者也。

第十三

一貫不踰閑當仁不讓於師。衛靈公篇之意

子游曰子夏之門人小子當洒掃應對進退則可矣。

抑末也。

有亟於習儀之弊

本之則無如之何。

本謂孝弟忠信

子夏聞

之曰噫言游過矣君子之道孰先傳焉孰後倦焉。

山子

道焉可誣也。有始有卒者其唯聖人乎。
曰倦恐當作傳音之誤也。譬諸草木區以別矣。區區萌之與同。君子之

章旨此章說教育弟子之方也。子夏云道有本有

末。人有長有短導之之方不可預定先後譬之猶草木勾萌而別其種也不熟察其長短而一授之本則是誣罔弟子也。若夫本末錯施而不愆其悟。

左右莫所不可非生知之資不能焉可望之門人小子乎而其歸也不其歸而之也
一貫二子語教道之方雖識有同異共成物之仁也

第十三

子夏曰仕而優則學學而優則仕

章旨此言出處各有先務仕學不可偏廢也仕者所以行君臣之義故學而不仕非也學者所以知君臣之義故仕而不學亦非也
一貫學者所以知義仕者所以行義二者相待而仁存於其中矣

第十四

子游曰喪致乎哀

喪主

而止

與而已

章旨此謂盡哀之外無復他故也

一貫下章曰人未有自致者也必也親喪乎第十
言子致孝父母莫尚焉者也

第十五

子游曰吾友張也為難能也然而未仁

章旨夫子曰仁遠乎哉我欲仁斯仁至矣述而又曰有能一日用其力於仁矣乎我未見力不足者也里仁夫仁者非為難能之謂也蓋高明激厲之為似難而易中庸平常之行似易而難子張之為性長於高明激厲之為而短於中庸平常之行故

子游揭其為難能而規其未仁也。夫子曰：師也辟先進，亦言其為難能也。

一貫 此亦反言而喻仁之所在也。

第十六

曾子曰：堂堂乎張也。

容貌矜莊

難與並為仁矣。

章旨 此章亦言儼然可畏之不可以為仁也。

一貫 意同上章。

第十七

曾子曰：吾聞諸夫子，人未有自致者也，必也親喪乎。

章旨 人終身之中，豈不有自致者乎？然而曰未有者，所以歸其極於親喪也。

一貫 與第十四章同，下章亦然。

第十八

曾子曰：吾聞諸夫子，孟莊子之孝也，其他可能也。其不改父之臣與父之政，是難能也。

章旨 伊藤維楨曰：獻子魯之賢大夫，其用才立政，固多可觀者，而莊子皆能遵守而不改焉。夫子言

其他孝行可觀者不少，然而皆不若此事之最為難能也。

古義

一貫 重野葆光曰：山夫子於父在，觀其志。章學而

引此章為就父之良法善政言之，其論卓矣。而以三年屬上句，為古文年月日字必屬上者，似未厭人心。何者？古書中有屬上可者，有屬下可者，有

屬上下其義兩通者姑舉語孟中屬下者一二證之曰回也其心三月不違仁雍也曰一日克己復

禮顏淵曰三年有成子路曰三年不為禮禮必壞

陽貨曰五月居廬孟子曰三月無君則弔同敢

問所安余曰善哉吾子之規也壽一先師之言之

從不暇及他義今所引證如此山夫子聞之其亦

將以起予賞吾子請以吾子之規為則

第十九 孟氏使陽膚為士師問於曾子曾子曰上失其道民

散久矣如得其情獄則哀矜而勿喜以明察

章旨伊藤維楨曰凡民之善惡皆上之所使故古

之賢王尤謹其所導焉今養之無制教之無法此

上先失其道也及其犯罪從而刑之是上罔民也

固哀矜之不暇豈可喜之哉古

一貫孟子曰伊尹思天下之民匹夫匹婦有不與

被堯舜之澤者如已推而內之溝中萬章是亦曾

子之用心不咎民而反之已也呂覽曰亂國之使

其民不論人之性不反人之情煩為教而過不識

數為令而非不從巨為危而罪不敢重為任而罰

不勝是以罪召罪上下之相讎也由是起矣適威

此言深得曾子哀矜之意也

第二十

子貢曰。紂之不善。不如是之甚也。是以君子惡居下流。天下之惡皆歸焉。

章旨朱熹曰。下流。地形卑下之處。衆流之所歸。喻

人身有汙賤之實。亦惡名之所聚也。淮南子曰。君

子禁於微。壹快不足以成善。積快而為德。壹恨不

足以為非。積恨以為怨。故三代之善。千歲之積譽

也。桀紂之謗。千歲之積毀也。繆稱亦此意。

一貫此章欲使人造次用力。仁而不須更居身不

仁也。六其與也。及其罪。而無之。最上曰。五也。

第廿一

子貢曰。君子之過也。如日月之食焉。過也。人皆見之。

更也。人皆仰之。

章旨君子其過也。不自掩。故人皆見之。其更也。必

速。故人皆仰之。與小人之過也。必文。者相反。

一貫夫子曰。過則勿憚改。求仁莫近焉。

第廿二

衛公孫朝問於子貢曰。仲尼焉學。子貢曰。文武之道。

未墜地在人。賢者識其大者。不賢者識其小者。

賢不賢。猶言大賢小賢也。莫不有文武之道焉。夫子焉

不學。而亦何常師之有。文武之道焉。夫子焉

章旨中庸曰。仲尼祖述堯舜。憲章文武。然則文武

之道。即堯舜之道也。今閱春秋士大夫之言。文武

之道未墜地在人者豈不信乎夫子信好敏求集而大成以為萬世之師盛哉觀子貢之贊夫子亦不可以知其學之所造也

一貫夫子之道不別古今不隔華夷天地之大不足取喻其仁於宇宙誰能名言之

第廿三

叔孫武叔語大夫於朝曰子貢賢於仲尼子服景伯以告子貢子貢曰譬之宮牆賜之牆也及肩闚見室家之好牆卑宮淺夫子之牆也數仞不得其門而入不見宗廟之美百官之富牆高宮深得其門者或寡矣得窺者幾希夫子指武叔之云不亦宜乎

第廿四

叔孫武叔毀仲尼子貢曰無以為也言不可傷仲尼不可毀也他人之賢者丘陵也猶可踰也仲尼日月也無得而踰焉人雖欲自絕棄絕而辱之其何傷於日月乎多

第廿五

陳子禽謂子貢曰子為恭也推尊於師仲尼豈賢於子乎子貢曰君子一言以為知一言以為不知言不可不慎也夫子之不可及也猶天之不可階而升也企望夫子之得邦家者語助所謂立之斯立道之斯行綏之斯來動之斯和四句古語其生也榮莫不尊親其死也哀

如喪考妣如之何其可及也

章旨此章言夫子所存者神、所過者化也、立行來
和、言民之從命、左右俯仰、唯意所欲、如響之應聲
也、

一貫孟子曰、大而化之之謂聖、聖而不可知之之
謂神、畫心合四章見其聖神矣、

堯曰第二十

第一

堯曰、咨爾舜、天之曆數也、猶言天之命也、曆歷同、在爾躬、允執其
中、四海困窮、鰥寡天祿永終、每句押韻、蓋上

章旨此堯授舜以帝位之命、辭允執其中、仁之至
義之盡、莫以尚之、所謂無偏無黨、無好無惡、不以

私欲害公義也、言為君允執其中、不以私欲害公
義、則至海隅窮民、莫不與被其澤、如此則兆民仰
戴之、保有天祿、永世無疆、

舜亦以命禹、舜之傳位禹、命

章旨夫父於不父、母於不母、弟於不弟、而孝友發
聞於上下、興於畎畝而蹈帝位、其蹈位也、不改堯
之臣與堯之政、繼述其志事、而四海歸於仁、始讓
於堯、而終於讓禹、其命禹也、襲用堯命己之策、始
終一揆、如合符節、帝王之盛、豈有復盛於此者哉、
可謂始於孝弟、而為仁於天下矣、

第二

一貫章旨可以觀矣

曰予小子履。稱履則其為湯可知敢用玄牡。敢明告于

皇皇后帝。有罪不敢赦。帝臣不蔽。猶言帝臣有罪不敢赦，帝臣有善不

敢蔽也，文簡擇也在帝心。辭不止於此，蓋節其要

章旨此殷湯既克夏而告於天之辭也。言天之所

覆地之所載，人生其間者，不問惡與善，孰非天臣

也。故我之於賞罰，一任天心，莫所置私。孟子曰：湯

執中，立賢無方。離婁篇是也。

朕躬有罪，無以萬方。萬方有罪，罪在朕躬。亦節其要

章旨此湯告諸侯之辭也。言天下之人犯罪，在君

上之教導失其宜，故我不敢辭其罰。若已行無道，

身為大戮，即自作之所致，非天下之人所與，故不

敢恨天誅。

一貫上節奉天意而不措私，下節攻己慝，無攻人

之慝，仁之至也。

第三

周有大賚，善人是富。猶多也，周家多士，雖有周親，不

如仁人。國所倚賴，在德，不在至親。百姓有過，在予一人。引罪歸已，與湯

揆

章旨此合三言為一章，言周之所以得天下也。言

天賜周家以眾賢，周能信任之，不以至親間之。若

夫引罪歸己、積德修行、視民如傷、則文王之德之
絕而不已者、以此為之基、佐以眾賢、其成王業、不
亦宜乎、

編旨自發首至此、歷說二帝三王、言其王天下、執
中之外無復他故也、

第四

謹謹嚴權量能周審法度敢犯修廢官職事四方之政

行焉不沮興滅國絕祀繼絕世無嗣舉逸民擢用天

下之民歸心焉四海仰望

章旨謹權量、審法度、修廢官、則國之制度建焉、興
滅繼絕、則諸侯倚賴焉、收用遺賢、則朝無過舉、

所重民國之命食民之命喪慎終祭遠

章旨民者邦之本、故最重之、非穀無以食民、故次
之、喪祭二禮、所以教民之孝、故次之、

寬則得眾、信則民任焉、敏則有功、公則民說無私則民悅服

章旨此蓋古語、既解於陽貨篇第六、無眾寡無小

下貫皆為仁於國之方也、

第五

子張問於孔子曰、何如斯可以從政矣、子曰、尊五美、
屏四惡、斯可以從政矣、子張曰、何謂五美、子曰、君子

惠而不費。勞而不怨。欲而不貪。泰而不驕。威而不猛。

子張曰：何謂惠而不費？以下省子曰：因民之所利而

利之，斯不亦惠而不費乎？惠者常費，而君子裕擇其

可勞而勞之，又誰怨？勞者常怨，而君子使欲仁而得

仁，又焉貪？欲者似貪，而君子所欲君子無眾寡，無小

大，無敢慢，斯不亦泰而不驕乎？泰者似驕，而君子無

君子正其衣冠，尊其瞻視，儼然人望而畏之，斯不亦

威而不猛乎？威者似猛，而君子以子張曰：何謂四惡？

子曰：不教而殺，謂之虐；不戒，預視成，謂之暴；慢令致

期，謂之賊。三者皆言不意，猶之與人也。出納

之吝，謂之有司。言吝，不泰。

章旨：五美者，政之所由行也；四惡者，政之所由廢

也。四惡不屏，則五美不尊；五美已尊，則四惡之患

自屏矣。蓋君子之為邦家也，躬行五美，乾乾不怠，

則教化之行，無遠不至矣。何必用嚴令重誅也？泰

也，威也；語其自持之容也，惠與勞欲，語其施為之

加於民也，要其歸極，則仁恕之發，姑分為五言之

目已。四惡，要之亦不仁不恕之目也。

一貫同上章。

孔子曰：不知命，無以為君子也。不知命，為禍福易操。不知禮，無

以立也。

不知禮、手足無所措、

不知言。無以知人也。

不知法言、何以觀人、

章旨

三言重在首節、君子學以知禮、知言而後可

以脩身崇德、推之家國天下、無所不準矣、然而世有隆污、時有否泰、不知命不得泰然易處、而盡時措之宜也、志于道者、可不潛思哉、

一貫

命云禮云知云、仁不俟言、

論語一貫卷五畢

論語一貫跋

嘗不啻曰、而於入常曰、此言之

易曰。雲從龍。風從虎。蓋謂同類之相感也。曩者山夫子之唱業於振衣岡也。四方豪士。從而和者。不可勝數也。爾後數十歲。聞其風而興起者。日月益多。亦猶風雲之於龍虎也。僕東毛之野人。少遊於東都。從時師而受業數家。其語道也。或精妙而流於蕩。或博洽而溺於雜。茫乎昧乎。無知其所歸。僕惑之久矣。既

而見葵岡先生。得聞山夫子之說。其解經。徵以古書。其言簡易。其旨的確。一洒古今之註。釋卓爾焉。以今想往日。宜矣。豪士之遊其門。似風雲之感也。及夫子之易筮也。屬先生以論語。先生續夫子所草學而為政之緒。以成上下論一貫。先生本序既詳焉。先生草此書也。廣徵諸古書。亦必使二三子討論之。苟有一言可取。未嘗不捨己而從人。常曰。此書之

成。非我成也。二三子之成也。易裘葛者。幾三十。文化壬申之冬。剏命剏氏。今茲甲戌之冬。全篇告竣。先生徵言於僕曰。客歲吾子應堅貝之招。教育義黌英才也。余竊喜先師之餘教遠暨於北越。然離索之歎。不能已於懷。今也一貫全成。吾子為我跋之。余朝誦夕展。與二三子玩之。亦猶周旋於一堂也。僕孤陋寡聞。豈敢謂當其任。亦唯違先生懇款之旨。

是懼謹叙所由以書卷尾云爾

與二三子遊之亦下毛 鶴田千里撰

今此一貫全太吾子高法起


翰煥密聲外其然然轉書之

望貞之於塔育美贊矣未

今全篇皆然夫主斷言林對

十文外士中之冬然命陪

取非遊於山三三子之如也



熱田毅書



土巖堂領行并製本書目

油髮編 小川御藏版 全一冊

草偃和言 同 全一冊

皇朝史略 青山延子先生著 全十五冊

國史纂論 長門明倫館藏版 全十冊

神武天皇ヨリ下慶長ノ初ニ至ルマデノ治亂盛衰ノ理人物政事ノ迹ヲ載ヒ條トシ古今諸儒ノ論ヲ纂メ間自己ノ見ル所ヲ附シ議論精確國史ヲ讀ム者ノ心目ヲ開發シ古今未曾有ノ善著述ノ故ニ皇朝ニ生レ史學ニ志アルモノハ必ズ此書ヲ熟讀セズハハカラス

山陵志 水府御藏板 全一冊

常陸風土記 水府御藏板 全一冊

讀史餘論 白石新井先生著 全三冊

和泉屋金石衛門

資治通鑑正編 宋司馬溫公編集 全百單冊

第一帙 自序表目錄 至漢紀二十

第二帙 自漢紀二十一 至漢紀三十

第三帙 自漢紀三十一 至漢紀四十

第四帙 自漢紀四十一 至漢紀五十

第五帙 自漢紀五十一 至漢紀六十

第六帙 自漢紀六十一 至漢紀七十

第七帙 自漢紀七十一 至漢紀八十

第八帙 自漢紀八十一 至漢紀九十

第九帙 自漢紀九十一 至漢紀一百

第十帙 自漢紀一百一 至漢紀一百一十

宋元通鑑 明薛應旂編集 全四十八冊

第一帙 自序表目錄 至宋紀三十三

第二帙 自宋紀三十四 至宋紀六十九

第三帙 自宋紀七十 至宋紀百一

第四帙 自宋紀百二 至宋紀百五十七

荀子箋釋 平戸維新館藏版 全八冊

孝經考 正志會澤先生著 全一冊

品字箋 全二冊

陸宣公奏議	長門明倫館藏板	全八冊	縮臨論語集解	勢州有造館藏板	全二冊
唐詩別裁	同上	同上	孝經發揮	同上	全二冊
明詩別裁	同上	全十冊	讀禮肆考	東陽津坂先生著	全二冊
清詩別裁	同上	同上	三書管窺	敬齋猪飼先生著	全二冊
民政要編	同上	全三冊	聽訟彙按	同上	全三冊
英國志	長門溫知社藏板 英國慕維廉著	全八冊	杜律詳解	東陽津坂先生著	全三冊
經世文編抄	勢州有造館藏板	全三十冊	夜航詩話	東陽津坂先生著	全六冊
清賀長齡原輯	拙堂先生評閱	同上	同餘話	同上	全二冊
本書文編	卷帙浩大	同上	月瀨記勝	拙堂齋藤先生著	全二冊
購求ルモ	容易ナラス	同上	高青邱詩醇	同上	全四冊
最ニ政典	制度ニ關係シテ	同上	五體便覽	勿齋井野先生著	全一冊
筆舌用ニ供	スルニ非ス	同上	譯準笑話	清余春亭著	全一冊
ヲ清朝	ノ小通典	同上	頭字韻	同上	全四冊
			大日本輿地全圖	銅板	全一面
			清名家題林		全一冊

集古法帖

第一帖	醍醐天皇御書	孝謙天皇御書	嵯峨天皇御書
第二帖	空海行書	僧正遍昭書	會人親王藥師寺塔露盤銘
第三帖	橘逸勢書	菅神君措書	藤佐理書
第四帖	小野道風書		
第五帖	法隆寺樂師佛背銘	宇治橋斷碑	元明陵碑
第六帖	空海草書	小野道風書	藤行成書
第七帖	醍醐天皇御書	大室年勅書	藤行成書
第八帖	弘法大師書		

及門遺範

豈好辨	同上	全一冊
下學通言	同上	全七冊
紀元通略	簡堂羽倉先生著	全一冊
南汎錄	同上	全一冊
從吾所好	同上	全二冊
資治通鑑評	同上	全一冊
讀史劄記同補	同上	全四冊
史肝甲集乙集	同上	全四冊
三律摘要	同上	全二冊
西上記	同上	全一冊
羶生錄	同上	全一冊
傳疑小史	履軒中井先生著	全一冊

嚴氏詩緝

此書ハ呂東來ノ詩詩記ヲ以テ主トシ諸說ヲ雜
采シテ之ヲ發明セリ曰說ノ安カラザル者ハ斷
ズルニ己ガ立テ以テ深ク詩人ノ本意ヲ得テ音訓
名物等ニ至テハ考證尤精核トス詩ヲ讀モノ此書ニ
據ズハ其蘊ヲ發スルコト能ハス

讀史劄記同補

此書ハ呂東來ノ詩詩記ヲ以テ主トシ諸說ヲ雜
采シテ之ヲ發明セリ曰說ノ安カラザル者ハ斷
ズルニ己ガ立テ以テ深ク詩人ノ本意ヲ得テ音訓
名物等ニ至テハ考證尤精核トス詩ヲ讀モノ此書ニ
據ズハ其蘊ヲ發スルコト能ハス

周易正文 兼山片山先生點

全二冊

周禮正文 同上

全三冊

禮記正文 同上

全五冊

合刻四書 孝經學記 大學中庸 兼山片山先生點

全一冊

孟子正文 兼山片山先生點

全三冊

大學原解 錦城太田先生著

全三冊

中庸原解 同上

全三冊

先生經學ニ大功アルハ天下ノ驚服スル所ナリソノ經解數十部アリテ此書ハ其一ナリ古今諸注家ノ紕繆ヲ訂シテ先聖ノ秘蘊ヲ發明ス學庸注解ノ書多シト云ヒ此書ノ如キノ精確ナルハナシ學者ノ最モ貴重スベキ書ナリ

大學原本釋義 善庵朝川先生著 全一冊

論語考二編 宇士新先生著

全三冊

此書ハ經傳子史凡ソ論語ノ意ニ涉ルモノハ旁引曲証ソノ精詳ヲ極ム學者ノ考鏡ヲ資ケテ最モ裨益アルノ珍編ナリ

論語一貫 兼山片山先生著

全五冊

先生近古最一ノ考証家ニシテ清朝諸大家ノ影響アリ元祿享保ノ學ノ謬誤ヲ一洗シテ一家ノ學ヲナス儒者必讀ノ書ナリ

趙註孟子

全四冊

後漢ノ趙岐臺卿ノ解スル虞宋ノ程朱以前ニシテ別ニ見處アリ新注ヲ讀ム人マゾコレヲ披覽セザルベカラズ

三經談 晴軒太田先生著

全一冊

此書ハ論語孟子周易ノ疑義ヲ明ラカニ辨ジテ學者講經ノ一助タラシム且錦城先生晚年ノ定説ヲモ訃載シタレバ九經談ト相參考シテ最モ裨益アルノ書ナリ

仁說三書 錦城太田先生著

全二冊

洙泗仁說一貫明義仁說要義ノ三書ヲ合刻スルモ也先生數十年ノ精カヲ窮メ發明スル處此書ヲ著ス故其說精詳確當古今未發秘蘊ヲ啓シテ六レ附錄論語ノ行文誤字等ヲ考證同語異義等數則ヲ舉示ス學者實ニ爲寶トスベシ

疑問錄 錦城太田先生著

全二冊

程朱ノ學ノ大意ハ聖人ニ詭ラザレトモマ其老佛ニ混糅スルモノハ道ヲ害スルニ近キアリ先生積年其疑ナルモノヲ甄別シテ疑正セリ學者ニ大功アル書ニテ讀書家ニ必貯スベキ編ナリ

歸正漫錄 安井真祐先生著

全一冊

宋明名儒數輩ノ佛老ノ害ヲ論ゼシテ諸書日リ涉獵シテ記出ス異端ノ邪路ニ迷フ者ラン正シキ儒道ニ歸リ入ラシム

左傳補註 清惠棟著 訥所吉田先生校

全六冊

三餘偶筆 清左暄春谷著

全八冊

經史ノ誤ヲ弁シ說文ノ字說イツモ未發ノ奇說ニテ其辨論簡ニテ讀ニ倦ズ知見ヲマヌ益少カラス學者ニ大功アル書ナリ

童子通 山本蕉遠先生著

全一冊

此書ハ訓點讀方ノ直ニシテ覺易キ方ヲ示シ且言葉ノ端ニテ人ノ胸ヲ受ザル心得ノホカ初學ノ用心盡シ編ス一ナシ

朱子年譜略 高宮由章著

全一紙

四王合傳 清無名氏 它山堤先生校閱

全二冊

吳三桂 耿仲明 子繼茂 尚可喜 子之信 孔有德 孫超齡

武功紀盛 清趙翼先生著 它山堤先生校

合刻

鄭將軍成功傳 善庵朝川先生著

全一冊

日本州名紀元

全一冊

先哲叢談 念齋原先生著

全四冊

此書ハ文祿慶長ノ際ヨリ享保元文ノ頃ニ至ルマデ名聲藉甚ノ碩儒閑人ノ列傳ニシテ其姓名字號俗稱生誕没故ノ年月日追淺クズシルシ裨史割記及ビ口碑ニ存スル言行ノ奇談ヲ悉ク採摭シテ古人ニ面接シテ往事ヲ見ルガ如クナラシム其言行篤實アリ博覽アリ抗辯アリ矯倭アリ執拗アリ介僻アリ可貴可感可喜可驚可哀可笑ノ佳話甚多シ故ニ看官大ニトル時ハ脩身齊家ノ模範トナスベク小トトル時ハ温故知新ノ談柄トナシテ固陋寡聞ノ謗ヲ免ルノ術此書ニヨラズシテ又何カアラム研尋ノ君子一度巻ヲ開カバ終日手ヲ離ツ事ヲ得ザルホドノオモシロキ書ナリ

西銘 附東銘

全一冊

弟子職箋注 蘭溪西島先生著

全一冊

客杭日記 元郭甲著

全一冊

品物名數抄 松澤老泉著

全一冊

近代著述目錄 横本

全五冊

慶長年間ヨリ天保ノ今ニ至ルマテ其道ニ名アル人ノ著述ヲ收載シ通篇イロハ四十七音ハ其姓氏ヲ排列セリイノ部ハ伊藤仁齋伊勢貞丈ト表シ其下ニ書目ヲ擧タリ近世目錄ノ書頗ル多シトイハレ皆板行セル者ノミラ載テ諸家ノ深松寫本ヲ以テ世ニ孤行セル者ヲ記スルコトナシ此書ハ珍巻奇冊人ノ聞見ニ及バザル者ヲモ探索シテ遺スナシ只書目ヲ知ルニナラズ諸家ノ姓名字號俗稱郷貫等ヲモ詳ニ附シタレバ其小傳ノ用ニ充ルニ足レリ雲頌ノ君子一本ヲ架スニ貯一過讀シ玉ハ更ニ博識ノ一助トナルベシ

彙刻書目外集

全六冊

掌中書名便覽

全一折

上ハ六經ヨリ下ハ稗史ニ至ルマデ其目ヲ掲ゲ一見シテ益アルヲ夥シ

神器譜 明越上貞著

全五冊

此編其工巻後世武備要務專ラ銃砲ヲ講練スルニ在ラ論ニ中巻評ニ諸銃打放ノ法ニ及ニ車架製作圖式等ヲ記シ末巻說銃或問ヲ附録シ銃筒製作火藥ノ法ニ及ニ戰陣銃砲ヲ用フル處ニ發揮ス實ニ火攻ノ要典武門ノ必讀ノ書ナリ

刪定紀効新書撮解 方丈川安原先生著

全七冊

此書ハ明ノ戚將軍著ハス紀効新書ヲ國字ヲ以テ解スルモノニシテ凡ソ兵道ニ關ルハ盡ク備スト云ナリ況ヤ武者言葉ヲ以テ記シテ不學ノ人ニモ曉リ易國書ヲ讀カ如クナラシム然レハ尋常ノ國字解ノ徒ニ文字章句ヲ解スルモノ比ニ非ス

掌中町見速知 會澤矩道先生著

全一帖

速知ハ速近ヲハカルノ分厘ヲ自在ニ知ラシム進退ハルモノヲ測量スルトキノ度數ヲ手短ク教へ使用ハル術ノ大意諸銃ノ天位ヨリ彈藥ノ製法合藥ノ強弱分厘ヲ放等近クハシク記セリ

既馬新論 車牧子較評

全一冊

此書ハ小身の士ノトモ少くハ馬を海川と遊ヒて決シテ分らぬおもふ馬病を孫知らざる者ヲ記したるモノナリ

救急摘方 後編

全一冊

此書ハ創者様親創ノ一切の急病と云人々を救済スルモノナリ夫レハ後編ノ體ナリ其ノ及ビ士人の用ニシテ速ニ必用ノモノナリ其ノ具及ビ藥ノ中ニハ一報ノ入ニ急病ノ用ニシテ速ニ必用ノモノナリ其ノ具及ビ藥ノ中ニハ一報ノ入ニ急病ノ用ニシテ速ニ必用ノモノナリ

朱子家訓經典餘師 齊田先生著

全一冊

此書ハ南宋ノ名儒朱子平生子弟ヲ導キ教ラレシ家訓ニシテ倫ノ道ヲ明ニシ五常ノ理ヲ述ラレシニハ身ヲ脩家ヲ齊ル最一ノ書ナリ故ニ今國字ヲ以テ審ニ和訳シタルナリ

朱氏治家格言兒訓 漢齋堂先生著

全一冊

增評八大家文讀本

此書、清乾隆帝、翰林學士沈德潛撰、ベルトコロニ其學者ニ益アルヲ知ルコトナリ、然ルモ今又山陽頼先生、增評ヲ掲ケ、且校點ヲ加ヘ、ハ、初學者ノ読易キニナラス、實ニ作家有用ノ新篇ナリ

全十六冊

宗忠簡文鈔

岳忠武王集

陳龍川文鈔

楊叔山全集

錦城文錄

它山存稿

四詠唱和

聯珠詩格箋注

全二冊

全一冊

全四冊

全四冊

全一冊

全四冊

全一冊

全五冊

晚唐十家絕句

杜牧 許渾 趙嘏 李群玉 溫庭筠 薛能 皮日休 陸龜蒙 吳融 韋莊 右十家ノ七言絶句ヲ集ム

全三冊

甌北詩選

甌北詩話

鳳鳴集

譚解笑林廣記

駱駝考

梧坡教諭

談鋒資銳

全二冊

全四冊

全三冊

全二冊

全一冊

全二冊

全二冊

善庵詩鈔

篋中集

詠史絕句

此編ハ本邦諸名家集中ニ就キ其詠史絶句ニ係リタルモノヲ取テ、和漢ニ拘セズ、盡ク輯録シタル集ニテ、初學ノ主読スルニ宜シク、眼ヲ開キ識見ヲ長スル好著撰ナリ

全二冊

全一冊

全二冊

悟窓詩話

詩學韻海

新定詩語碎金

新定詩韻碎金

世ニ初學作詩ヲ為シ、設ルノ書多シトイヘ、此韻字ヲ用テ、例ヲ悉ク論ジタルモノナレ、コト書ハ、韻字ノ下ニ、解ヲ又唐ノ元稹白居易等ノ大家ノ集ヨリ、長韻ノ詩ヲ格出シ、古人ノ隻句ヲ載ヒ、タレバ是ニ據テ、其用例ヲ搜索セバ、益々鮮ナカラズ

全二冊

全二冊

全一冊

全一冊

譚解笑林廣記

駱駝考

梧坡教諭

コレハ漢土ノオトシハナシニシテ、面白キコトカギリ、ナキ書ナリ、俗語バカリニテ、讀ガタキニ、今和語ノ註釋ヲ加ヘ、誰ニテモヨク安クナセリ、且俗語ノ小説ヲヨク、看ハシトスルハ、漢土ノ人情ヲ知ラズ、ハ、解スルハ、能ハズ、此書ニイカニ、ノモ、悉ク漏ラズ、ル故ニ、ヨク人情俗態ヲ達スルニ、如ナリ、故ニ俗語ヲヨク、人ノ捷徑ニシテ、關ベカラサル書ナリ

全二冊

全一冊

全二冊

全一冊

全二冊

全二冊

全二冊

悟窓漫筆

錦城木田先生著

全二冊

同 後編

同上

全二冊

同 三編

同上

全二冊

先生平日隨筆割記ノ書也古今治乱ノ本原ヲ推シ風俗ノ隆ノ係ル所ヲ論博ク經傳ノ子史ヲ引テコレヲ証又學術ノ雅正ヲ辨シ又經學詩文ノ流派ヲ辨別シテ其精確ヲ極ム其外ニ舊聞ヲ温習古今未發ノ新得ヲ具シ家庭ノ訓誨ハカ論旁ラ博聞ノ資ク詩文學習ノ秘訣ヲ掲グ都合六冊ヲ以テ全函ノ鴻寶トス

雲萍雜志

柳里恭先生著

全四冊

此書ハ心得ニ九ヘキコト多ク總テ面白キ話集メ風流文雅ナル隨筆ナリ

善庵隨筆

善庵朝川先生著

全三冊

此書先生遺筆ニテ世儒ノ未ダ嘗テヨリ説サル山野ノ奇怪ノ事ノ變革ヲ一校澄セシ書ニテ古來隨筆ノ冠弁ト云フ

眠雲札記

同齋朝川先生著

全二冊

此書初ニ尚書今古文ノ疑ヲ辨シ次ニ善庵先生ノ經說ヲ述ヘ其土ノ官語俗話ノ解ヲ難ニ悟シ終ニ古人文章ノ格ヲ舉テ一類例ヲ引幼稚輩ヲ文ヲ作ル捷徑ヲ知ラセリ

好古餘録

山岸美成著

全二冊

皇朝古昔ノ經傳律令ノ學ニテ隋唐ニ繼リ五七ノ下ヲ始學校ノ典廣訓点ノ沿革點圖簡筆ノ區平カクテ月ノ和字ノ説漢文和文俗文ノ考且詩歌ノ紀原整頓活字ノ述詳ニ考證セリ

棟梁集

松屋主人著

全一冊

此書東國西ノ時潮東都ノ標本ニ及ビ角田ノ故實其外推シ故蹟故事ヲ論一ニ其條條を究ム引証ヲ後述ナリ人談ニテ感嘆セシむル事ハ其國學ノ家ニシテ是ト云フ

舊蹟紀聞

立綱法師著

全二冊

皇朝ノ事蹟ヲ考ヘ古語古書ヲ引証シテ國學ノ助トス

狸芝尼姑記

全一冊

此書一名と稱被威化記と云ふ勝叔父子初ノ存後没後一却首初とある事一殊ニ小山田信房リとせざるや相尾の大進等ニ夜をひそませしむる日田野にて討死しやいさよ屋更死の次第も尼が目録のなりきにありのまに記をいへるありき言録ありて考則のさほいへるもの宝物を記して上梓をせし武田三代記甲札記なりといふも大に異也

於あま物語

合刻全冊

あまの物語の役は耳城中小ありおきくハ元和後大坂城内にあつて菅村見ゆを事とす何りのまに著記を物語也

三餘叢談

柳屋主人著

全一冊

皇朝の國史或ハ古語物語又著小出たも解しつゝ中にもを洋小考究しを奇冊を

茂睡眞蹟卅七首

折本

全一冊

此書茂睡古名を唱初しは其沖志剛の大ハお出く妻大にひ月多々人の和をひを其書と云人柄も四様にあつて因幡小云と云

神道玉鈴道草

跡部光海著

全一冊

伊勢物語

全二冊

道彦自書画三十六歌仙

全一冊

思貽益管城二譜

廣澤先生著

全一冊

此書廣澤先生嘗テ和筆ノ製用ニ當ラズ唐筆ノ善ニ及ハサルヲ憾ミ專ラ唐式ニ據リテ手ツカラ細筆巨筆ヲ製造シ自ラ試ル久クテ其説ヲ委ク録シ又各圖式ヲ作テ遂ニ此一書ヲ著セリ簡ニ藝林ノ闕典ヲ補フ書ト云ベシ

書學大概

神通北海先生著

全一冊

此書ハ執筆ノ法ヲ正シ古人ノ論說ニ餘サズ舉テ研究ナシ明ニ解シタレハ和漢古今書法ノ必用ナリ

近世名家書画談 雲煙安西著

同 二編 同上

全二冊 宋畫錄 走利主人著

全一冊 元畫錄 翠溪漁人著

明畫錄 清徐沁著

全三冊 東坡大江東帖 草書

同 宸奎閣 楷書

全一冊 米芾主家帖 行書

同 子昂赤鯀賦 行書

全一冊 同 天冠山 行書

同 送李愿序 行書

全一冊 同 大湖帖 行書

同 董其昌衆鳥帖 行書

全一冊 同 登龍帖 草書

同 求忠書院 行書

全一冊 同 月儀帖 東里澤田先生書

同 全一冊

同 全一冊

同 全一冊

同 全一冊

同 全一冊

同 全一冊

同 全一冊

同 全一冊

龍北月發秘

錦城太田先生著

全二冊

此書ハ家相ノ蘊奥ヲ著ハシテ衆人ノ為ニ福利ヲ導ク妙訣ナリ古ヨリ此類ノ書數種アリテ生利旺衰ノ事ヲ載ルト雖モ元此事ハ易理ニ出テ聖人ノ教ヲ宣ラシテ利ニ就キ凶ヲ避テ占ニ趣クノ一端ナリヲ言ハズ今此編ハ專ラ漢土ニ云家相ノ周易ニ原ツキ黄帝ノ宅經深ノ簡文ノ竈經トノ秘ヲ探リタレバ古ヨリ傳フル家相ノ諸書ト互ニ發明スル處アリテ家相ノ理ヲ窮ムル必讀ノ書ナリ

龍背師傳圖說

錦城太田先生直傳

全三冊

此書ハ家造ノ形相地面ノ張欠等ヲ圖ニ顯シ圖毎ニ口傳ヲ述テ住人ノ盛衰ハ元ヨリ妻子眷屬ノ幸不幸親子ノ間ニ故障アルハ片輪ナル子孫出生スル下人等ニ不忠ナル者ハルヲ家ニ崇ル刀劍ヲ所持ナス又火難水難病難色難盜難等ニ至マテ眼前ニ知得ル妙訣ナリ覽シテ其虚ナラザルヲ知玉フベシ

古今名蹟異質帖

正面

全一冊

上古三蹟ヨリ或ハ源平諸將以來ノ武家或ハ逸人名臣僧家ニ名アル人ノ真蹟ヲ刻シタレバ上古ヲシタフ君子ノ机ニ必アルベキ書ナリ

扇面清風帖

清人集書

全一冊

五體雲淡帖

星池先生書

全一冊

玉屑帖

星池先生書

全一冊

大橋先生手簡

初代長左衛門書

全一冊

春雪解話

堯民荒井先生著

全三冊

此書ハ方位ノ原委ヲ究メ本命の熱氣星ノ偽造タルヲ辨シ鬼門ノ妙論ハ方出行ノ正論ヲ述テ世俗ノ惑ヲ解シメトス且歴中ノ八將神ヨリ中段下段ノ初終ヲ考辨シ和漢兩說異同アルヲ著シ凶日ニヨリテ吉日タルヲ論シタル日用ノ書ニシテ厝用ルノトキ此書ヲ合讀セバ大ニ功益アル良書ナリ

產科發蒙

片倉元周先生著

全四冊

此書、妊娠中ノ諸症臨産ノ經驗治方ヲ悉ク擧ゲ且産論翼ノ備ハラサルヲ補テモ萬古以來醫書ニコレナキ所ヲ發明シ又阿蘭陀難産ノ圖二十七ヲ翻譯シテ審示シ且家秘ノ妙方ヲアラハシタレバ其治療ニ益アルコト擧テ數フベカラズ醫ノ業トスルモノ一日モ此書ナクンバアルベカラズ

傷寒啟微

同上

全三冊

此書ハ傷寒論ノ諸註家未ク言ハザル所ノ奧義ヲ發シ瘟疫ト傷寒ト同病タルヲ辨明シ且傷寒金匱ニ書ク方ニテ症ニ臨テ足ラザル所ノ治方ヲ唐宗以來ノ醫書ニ撰ラビ又經驗スルトコロノ新定十七方並ニ十陣丸ノ方ヲアゲテ治療ノ助トシ今治療スルニ其益甚多クシテ人ヲ濟スニ深切ナル書ナリソノ新定スルトコロノ諸方又死症ヲ發明スル杯ノ妙處ニイタリテハ實ニ仲景ノ羽翼トイフベシ

方機

片倉元周先生著

全一冊

此書東洞先生ノ作テ金匱傷寒ノ方ニ機變妙用アルヲ記セリ是先生常用ノ方劑ニシテ臨病ノ機變活用ヲ書キタリ且九散兼用ノ法ヲ載セタルハ大ニ幼學治療ノ益トナルベシ

徵癘新書

片倉元周先生著

全三冊

此書ハ古ヨリ難治ノ癘病ヲ先生燒針ヲ刺シ斑癘ヲ以テ毒ヲ去ル事ヲ發明シ千古以來コレナキ治術ヲ萬世ニ傳ルナリ又梅毒ノ治法此書ヲ能ク及覆シテ讀トキハ如何ナル難症ニテモ治セザルハナシ實ニ天下第一ノ奇書ナリ

青囊瑣探

片倉元周先生著

全二冊

此書ハ先生ノ漫筆ニシテ人ノ戒トナリ又初堂ニ學業ヲ擧ゲ人情ノ免レサル所ヲ記シ且奇効アル秘方並ニ甲斐ノ徳本ノ經驗十九方ノ主治藥方ヲ擧ク醫家ノ重寶ナル書ニシテ又俗家ニテモ是ヲヨムトキハ發憤シテ壯年ノ益トナルベシ

靜儉堂治驗

同上

全三冊

此書ハ先生數十年來ノ治驗百中ノ一ヲシルシ置レタルヲ集メラレタルナリ病者ノ姓名住所前医ノ治方又ハ自己ノ與ヘタル劑ノ効アル効ナキヲ包ムナクカ、又麻疹ノ經驗方肝症ノ治方並ニ弟子大森氏ノ治効十餘條ヲ記シ又衆医ノ治スルノ能ハザル奇疾ヲ治シタル等國字ヲ以テカレタルハ實ニ後進有益ノ書ナリ

觀聚方要補

柳汗多紀先生著

全二冊

右前板世行ハ、一已ニ久シク其間差錯アルヲ憾ム近歲宋軒千金外臺等相踵テ出ルニ從ヒ是ニ於テ補訂ヲ加フ點數一モ遺誤ナシト云ツヘシ

內科秘錄

東軒本間先生著

全十四冊

療治知要

同上

全五冊

醫方纂要

同上

全五冊

同分註

同上

全七冊

保嬰須知

同上

全二冊

經心撮要

東軒本間先生著

全一冊

皇朝醫林談

同上

全七冊

藥室雜識

同上

全三十冊

日新醫談

同上

全三冊

影刻宋本傷寒論

明趙開美原本舟菴堀川先生校

全四冊

世ニ流布スル所ノ宋本校傷寒論ハ坊間陋刻ニ趙氏原本ト其板式大ニ異ナリ故ニ誤謬錯脱頗ル多シテ確徵ヲ取ニ足ラズ且私意刪略アリ其舊殆ト失スルニ至ル今始テ趙氏原本ヲ得テ此ヲ影摹シ是ニ於テ北宋本ノ真面目燦然トシ復世ニ顯ハル其精校佳刻タルコト海内ノ善本ト謂フベシ

明倫歌集

安、循徳館藏版

全五冊

卷之一君臣

卷之二父子

卷之三夫婦

卷之四兄弟

卷之五神祇

國體文武拾遺

瘍科秘録

素軒本間先生著

全十二冊

華岡翁ノ遺教ヲ述ベ又先生ノ自カラ發明
スルトコロノ術ヲ加ヘ瘍科ノ治法ヲ論ズル
ノ書ナリ初メニ病名ヲ正シ病因ヲ論ズ
次ニ脈證ヲ説キ瘡瘍ノ變正輕重死生
等ヲ詳ラカニス終ニ禁方秘術ヲ載ス實
ニ瘍科ノ全書ナリ此書ヲ熟讀シテ治
療ヲ施ストキハ起死回生ノ功ヲ立成ニシ

續瘍科秘録

同上

全十冊

此編日新發明ヲ旨ト為シ脫疽血瘤舌疽陰莖
翻花瘡等ハ和漢必死モノニ定メテ未嘗テ其治法
ヲ得ル者無シ今實驗シテ全効ヲ收メ其治術ヲ
詳ニシ其他新驗ノ奇病異疾ノ因ヲ著シ又前編
ノ缺所ハ小瘡淺患ト雖モコレヲ補苴セリ實ニ
瘍科大全ノ書ナリ

痘疹不求人方論

明朱隆子著

全一冊

歷代名醫一覽

雉門先生著

全一冊

增補 宿馬兒藥性論

洞海林先生譯

全十八冊

世ニ藥性ヲ論スル翻譯ノ西洋書多ク雖モ或ハ採擷洪
濫ニシテ冗雜無用ノ事多ク或ハ撰品寡少ニシテ用ニ
足ラズ或ハ體裁宜シカラズシテ檢閱ニ便ナラス故ニ
用藥ノ要領ヲ得テ治療ノ大體ヲミルニ難シ然レニ
此書ハ體裁最宜キヲ以テ一見スレバ其要領ヲ得テ
大體ヲ知ルニ足ル況ヤ藥品ノ收最精詳ニシテ雜ラズ
寡チス實ニ藥性ヲ論スル書此右ニ出ル者ナリ

日本大黃考

靜守清水直著

全一冊

簡易養生記

梧窓沼先生著

全一冊

疾病急卒ノ病者ト救スルニ考者少クあり
大ノ災ニ出ル所ニシテ或ハ火燒キノ不忌不
備其方策ハ深奥ハ勿論田父野老ノ傳スル
ことモ病家ハ便宜ニシテ採テ學之又法家ノ秘
すも方技をわけたれ左右をくらざるの良書を

秘傳重寶記

西面指

折本

此書ハ病大者出外ニ生じ置ルニテ直ニ
と記す又ハ衣服ニ生じ置ルニテ直ニ
瑞々急難ト救心は不ふりく記せし終なり

增補 男重寶記

高井蘭山先生著

全五冊

日本宗廟伊勢やと日光山 神と教
一とくより神佛併ニ之のこと法宗の系病を
括射せよと支なき核三用の文字とを男重
老日用重寶のとあつむる女重寶の也

增補 女重寶記

同上

全五冊

女の重宝は、法を尋ねる者、
つらひ嫁に式儀、性中のつらひ、
書生、出産の節、乃らその外、
認、三文字、志、の、や、ま、
ある女子、日用重寶の事、と、
有用の、と、なる

子孫繁昌記

手島堵菴著

全二冊

此書は、君臣父子夫婦の
道、を、
齊家と第一と、
高、も、に、流、して、有、益、は、
な、る

農民夜話

全一冊

農家調寶記

蘭山高井先生著

全三冊

此書ハ天地を耕作する由來より
家、ハ、年、負、納、用、早、形、
父、徳、方、男、女、婚、式、
成、さ、を、記、す

農家調寶記附録

大蔵永常著

全二冊

此書ハ田圃、
の、仕、方、と、
の、種、を、
た、ま、を、
た、ま、を、

農家調寶記續録

同上

全一冊

此書ハ稲と、
の、種、を、
出、つ、を、
殖、て、
ら、ら、

增 年中用文大成 臨泉堂先生著 全一冊

補 紅梅用文章 同筆 全一冊

補 女諸用文章 御家橋正敬著 全一冊

頭 通俗用文章 全一冊

狂歌道算筆早學 重田一丸著 全一冊

實語教童子教證註 振鷺亭著 全三冊

古状揃證註 蘭山高井翁著 全一冊

御成敗式目證註 同上 全一冊

源平古状揃證註 蘭山高井翁著 全一冊

同假名附 全一冊

農家用文章大全 同上 全一冊

笑戲自知錄 伴田陳人著 全二冊

塵劫記 十露盤獨指古 山本三三著 全一冊

大日本國郡附 西面指 全一面

大日本輿地全圖 全一面

萬國地球全圖 西面指 全一面

諸國道中旅雀 西面指 全一面

泰平年代記 西面指 全一面

實語教童子教首書無點 全一冊

同 首書兩點 全一冊

今川童蒙解 全三冊

好文古状揃首書無點 全一冊

文貨古状揃首書假名附 全一冊

古状揃講釋 蘭山高井翁注 全一冊

同假名附 全一冊

此書ハ年中用ノ文章ハ... 紅梅用文章... 女諸用文章... 通俗用文章... 狂歌道算筆早學... 實語教童子教證註... 古状揃證註... 御成敗式目證註... 源平古状揃證註... 同假名附... 農家用文章大全... 笑戲自知錄... 塵劫記... 大日本國郡附... 大日本輿地全圖... 萬國地球全圖... 諸國道中旅雀... 泰平年代記... 實語教童子教首書無點... 同 首書兩點... 今川童蒙解... 好文古状揃首書無點... 文貨古状揃首書假名附... 古状揃講釋... 同假名附...

此書ハ... 農家用文章大全... 笑戲自知錄... 塵劫記... 大日本國郡附... 大日本輿地全圖... 萬國地球全圖... 諸國道中旅雀... 泰平年代記... 實語教童子教首書無點... 同 首書兩點... 今川童蒙解... 好文古状揃首書無點... 文貨古状揃首書假名附... 古状揃講釋... 同假名附...

御成敗式目首書繪抄
廿ト下
ウト

御成敗式目首書繪抄	全一冊	相生百人一首	全一冊
同 假名附	全一冊	同半紙本	全一冊
同 抄	全一冊	同女今川入	全一冊
庭訓往来無點	全一冊	長雄女今川	全一冊
弘文庭訓往来 <small>臨泉堂書</small>	全一冊	女今川千代見種首書繪入	全一冊
教讀庭訓往来首書假名附	全一冊		
千字文首書繪入兩點	全一冊		
百姓往来假名附	全一冊		

五冊

京都三條通外屋町	出雲寺文次郎
同 東洞院通三條上町	村上勘兵衛
大坂心齋橋通北久太郎町	河内屋喜兵衛
同 安堂寺町	秋田屋太右衛門
同 南久宝寺町	伊丹屋善兵衛
尾州名古屋本町七丁目	永樂屋東四郎
江戸日本橋通二丁目	須原屋茂兵衛
同 淺草茅町三丁目	須原屋伊八
同 日本橋通三丁目	山城屋佐兵衛
同 同所	須原屋新兵衛
同 芝神明前	岡田屋嘉七
同 横山町三丁目	和泉屋金右衛門版

